



TOP-UP & WIN YOUR DREAM CAR



24/7 Customer Care: Call 345 6789 or www.telikompng.com.pg

Worth of
K25,000
every month

*Check in-store Posters for more details

©Caribbean Airports



Konekt na surf wantaim ol niupela Alcatel Smartphones. Harlap taim stock i stap.



Alcatel OT-806
K249



Alcatel OT-805
K269

WWW.DIGICELPNG.COM

Taim na tumimim apas

Digicel

PNG's Bigger. Better Network.



MOSBI SITI GAT BIKPELA SALENS:

Roxanne Martens em meri bilong Ian Kemish, Hai Komisina bilong Australia long PNG, i helpim ol sumatin bilong Bavaroiko Praimeri Skul long Nesenel Kapitel Distrik long klinim skul long las wik Fraide. Dispela em long makim "Wol Klin Ap De".
Poto Nicky Bernard

Lukim Stori long pes 10..

Manus memba laikim ol papagraun i wokbung long kamap bilong asailam senta

NUPELA memba bilong Manus distrik, Ronnie Knight, i askim strong ol papagraun grup long Manus long wok bung wantaim long ol i ken kisim bikpela halivim bilong lukautim wampela asailam sika senta bilong Australia.

Australia i salim wampela tim bilong difens fos long kirapim ol biling bilong wampela ditensen senta long Manus.

Mista Knight i tok ol pipel bilong Manus i laik mekim olgeta samting i ron gut na ol i laik stap insait long olgeta wok kamap bilong ol

senta.

Tasol em i tok, ol papagraun i luk olsem ol i no wokbung wantaim, we ol i ken kisim dispela ol wari bilong ol i go long gavman bilong Australia long akmap bilong Manus ditensen senta.

"Mipela no laikim ol i

abrus long ol askim ol i givim. Na i no gutpela ol i bruk nabaut. Mi laik askim ol, planti long ol em ol famili bilong wampela klen tasol, na sapos ol i ken bung wantaim na stretim olgeta hevi bilong ol, na kamap olsem wampela grup, na i no tripela o foapela grup,

ating dispela em i bikpela samting nau," Mista Knight i tok.

Australia i stat long salim ol asailam sika i stap long Christmas Ailan, i go long Nauru las wik yet.

Manus bai bihain long olgeta haus slip na banis i stret long ditensen senta.



Kaikai bai teis Swit tru!

GOLDEN MARK SOY SOS

I kam long tupela gutpela teis!

Mushroom Dark Sos na Superior Dark Sos



TELE Apdeit

Video Conferencing

Video conferencing allows parties at multi locations to communicate with each other face to face. The product is a perfect solution for government and business interactions.

Features

- Real time video conferencing
- Video and voice capabilities
- Multi location set up
- High Definition Quality
- Up to 6 parties interactive conferencing

Benefits

- Massive savings on travelling and living expenses
- Maximise meeting time
- Real Time Communication

Tariff Charges

1. Point to Point conferencing – K900 per hour
2. Point to 2 party conferencing – K1,200.00
3. Point to multi-point conferencing – K1,500.00

For more information call 24/7 Customer Care on 3456789



Call 24/7 Customer Care on 345 6789

NEC oraitim K13 milian long SHP

NESENEL Eksekyutiv Kaunsil i tok orait long givim K13.4 milian i go long Sauten Hailans Provins (SHP) long stretim ol rot na bris we hai wara i bin bagarapim tupela wok i go pinis.

Eking Praim Minista Leo Dion i tok gavman i surukim narapela K500, 000 i go long helpim ol manmeri na pikinini husat haiwara i bin tait na bagarapim ples na haus bilong ol.

Hevi ren i bin pundaun long wik i go pinis, na hai wara i tait na bagarapim rot na bris long planti hap long lalibu-Pangia, Kagua-Erave na Imbongu distrik, wantaim.

Dispela i lukim planti lain i no kisim ol gutpela gavman sevis long las wik Fonde i kam inap nau.

Gavman i tokim Dipatmen ov Woks long Mendi long wokim wok painimaut long ol dispela ples we i bagarap long en na stretim kwik taim long larim pipel i kisim sevis gen.

Dispela hevi ren na hai wara i karim i go pinis Yalo Riva Bris, Kendagl Bris, Pale bris, na Mapel Bris.

Kumbame graunbruk o lenslait em i wanpela bigpela birua tu, we i kamap long Hailans Haiwe, na narapela i kamap long Ipiye viles long Mendi-Kagua rot we, dispela graunbruk i bin blokim sot kat Mendi-Kagua rot.

Tasol hariap tru Mendi Dipatmen ov Woks i stretim gen na olgeta gavman saplai na sevis bilong Kagua i wok long go long dispela rot taim ol wokman i stretim gen Yalo bris.

Long las wik Fonde, Sif Sekreteri bilong Gavman, Manasupe Zurenuoc, i go long ol dispela ples we i kisim bagarap long en.

Em i tok sori long wanem samting i bin kamap, na tok gavman i stap wantaim ol long wanem hevi ol i go long en.

“Mi makim maus bilong PNG gav-

man na tok sori long yupela olgeta. Bel na tingting bilong mi i stap wantaim yupela olgeta long wanem hevi yupela go insait long en,” Zurenuoc i tok.

“Mi save olsem yupela i no pilim gut na stap wantaim bigpela hevi tru na, mi kam long lukim ol dispela ples bagarap long tokim yupela olsem dispela gavman em i stap wantaim yupela long stretim ol samting gen. Mi lukim wanem kain pen yupela go insait long en, na mi laik tokim yupela stret olsem gavman i hariap tru kam insait long stretim olgeta dispela bagarap,” em i tok.

Taim Zurenuoc i go long hap, ol manmeri long Kagua i opim gen wanpela rot bihain long ol i bin pasim dispela rot inap tupela yia olgeta.

Dispela rot i bin pas taim ol asples lain long hap i no kisim kompensesen mani long Dipatmen ov Woks bihain long wanpela graunbruk i bin

kilim tupela pikinini taim woks lain i bin stretim rot.

Tasol nau ol lain i lusim dispela bel kros ol i bin gat wantaim Dipatmen ov Woks long Mendi, na tok orait long Kagua-Erave manmeri i ken yusim dispela rot long dispela hevi taim.

Zurenuoc i tokim tu Woks Dipatmen long stretim gen dispela rot long larim gaman sevis i go long ol pipel.

Taim wok bilong mekim trutru bris i go het yet, Zurenuoc i tokim ol long mekim waia bris long ol ples we bris i bruk long en. Tupela bris ol mekim pinis na narapela bai ol i stretim na pinisim liklik taim tasol.

Em tok tu olsem klostu taim bai ol i opim Kagua-Mendi rot, we ol Kagua-Erave lain i ken yusim dispela rot long kisim ol gavman sevis taim ol wokman i wok long mekim yet Wara Yalo bris.

O'Neill: Oposisen noken bikmaus nating



SKELIM MODEL...Praim Minista Peter O'Neill wantaim PNG Gavman delegeesen i lukluk raun long wanpela model bilong Pawa Plent long Saina.

LONG gutpela bilong dispela kantri, Oposisen i noken bikmaus nating, tasol em i mas kamap wantaim ol gutpela toktok long salensim gavman, na sekim olsem wanem gavman i wok long mekim wok long sevim pipel bilong dispela kantri, Praim Minista Peter O'Neill i tok

Oposisen em i olsem gavman tu, na wanem samting ol i tokaut long pablik i mas gat gutpela mining long senisim, kirapim na stretim wok bilong gavman long sevim ol pipel bilong dispela kantri gut.

O'Neill i mekim dispela toktok bihain long Oposisen Lida Belden Namah, na oposisen memba bilong Kundiawa-Gembogl, Tobias Kulang,

i sutim toktok agensim O'Neill na ol gavman delegeesen, husat i go long Rasia APEC miting, na bihain long Saina, olsem ol i go raun nating olsem ovais holide long mani bilong ol pipel.

O'Neill i bin kisim PNG Gavman delegeesen i go long Rasia na Saina long opisal gavman bisnis raun.

O'Neill i tok raun bilong en olsem Praim Minista bilong PNG long dispela namba 43 Pasifik Ailans Forum long Rarotonga, Cook Ailans, na bihain long APEC Lidas Sumit long Vladivostok, Rasia, em i no long raun nating olsem ovasis holide, tasol bilong sampela namba wan miting.

Long Saina, O'Neill i bin stretim toktok wantaim Sif Eksekyutiv Opisa (CEO) bilong China Expot-Impot (EXIM) Benk long kisim dispela bikpela konsesenal lon o dinau mani long kirapim ol namba wan samting long kantri olsem Hailans Haiwe, Galp-Sauten Hailans Haiwe, Lae Sip Bris, Yonki Pawa Stesen, na long stretim ol arapela samting long kantri.

Em i tok taim ol namba wan samting bilong kantri olsem rot, sip bris, ples balus, haus sik, skul, na pawa stesen i wok long bagarap, em bai nonap lukluk tasol na stap long sia bilong praim minista.

Olsem na O'Neill i painim ol rot

long kisim mani long kirapim ol dispela samting gen bikos dispela ol samting save sapatim laip bilong olgeta manmeri long kantri, na tu ol dispela sevis i save kirapim groa bilong ikonomi.

“Olsem lida bilong kantri PNG, mi mas go soim pes, na tu long wokbung wantaim ol wol lida long toktok long politiks, ikonomik na sosel developmen, envairomen, treid na invsesmen.

“Mi no go raun nating na westim mani nabaut. Oposisen mas save olsem mi go long lukim ol lida bilong narapela kantri, na tu dispela miting bai givim mi gutpela sans long toktok long ol gutpeal samting wantaim ol long planti bikpela wol lida,” O'Neill i tok.

PNG mas lukluk go het

BIHAIN long 37 yia, PNG i nau mas lukluk go het long wanem kain ol salens bai stap long bihain taim, Gavana Jeneral Gren Sif Sir Michael Ogio i tok.

Sir Michael i mekim dispela toktok taim em i putim i kam daun flek bilong PNG long Sande apinun long Sir John Guise Stadium, Mosbi.

Long ai bilong moa long 2, 000 manmeri, ol ami, polis, CIS, na Sen John ambulans wok manmeri i bin mekim mas long rausim i kam daun PNG Flek. Dispela em i ol i kolim flek lowering seremoni.

Tasol pastaim long en, Sir Michael i surukim indipendens toktok bilong Prins Charles, pikinini man bilong He Majesti Kwin Elizabeth II, Kwin bilong Komonwel na PNG.

Long pas bilong Prins Charles, Sir Michael i tokaut olsem; "Mi laik salim bikipela amamas bilong mi i go long olgeta pipel bilong Papua Niugini long dispela namba wan de bilong ol."

Bihain long en, Sir Michael i tokaut long ol gutpela samting PNG i nau wok long lukim bihain long 37 yia.

"Noken toktok planti na les long mekim wok. Ol pablik sevan i mas mekim gut wok long kirapim dispela kantri bilong yumi. Sapos yumi les long mekim wok, husat bai kam mekim wok bilong yumi," Ogio i askim.

Em i tok kantri i bin kamapim sampela kain

asua, we ol pablik sevan i bin bruk, ami na polis i bin bruk, na tupela man i bin strongim sait long go pas long tupela gavman.

"Klostu yumi brukim olgeta samting long Mama Loa bilong kantri. Tasol yumi nau stretim gen ol samting pinis, na nau yumi wanbel wantaim long wok long kirapim dispela kantri," Ogio i tok.

Em i tok dispela kain pasin em i gutpela long kirapim na karim PNG i go het long ol salens bilong bihain taim.

"Planti gutpela samting i wok long kamap bihain long 37 yia. Tasol yumi mas holim han wantaim, bungim het wantaim na stap strong olsem wanpela bikipela na strongpela kantri insait long Asia-Pasifik Rijen.

"Dispela LNG projek na ol maining projek long kantri em ol strong bilong yumi long sait bilong mani. PNG bai mekim moa mani long ol dispela kain projek, tasol ol lida i mas yusim gut ol winmani gavman i mekim long ol dispela projek.

"Nau em i no taim bilong long long na stap tasol. Yumi mas lukluk raun long skulim moa pikinini. Moa risets wok i mas kamap long sains na teknoloji," Sir Michael i tok.

Em i tok PNG i gat gutpela fiutsa, na olgeta manmeri i mas wokbung wantaim long lukautim na groim kantri bilong yumi, na long daunim ol salens.

DON'T DUMP IT... BIN IT! & DO YOUR BIT.

GO GREEN

2012 BSP GO GREEN ENVIRONMENTAL PLANNER

- 22 SEPTEMBER INTERNATIONAL DAY OF BIODIVERSITY
- 23 SEPTEMBER WORLD TURTLE DAY
- 5 OCTOBER WORLD ENVIRONMENT DAY
- 8 NOVEMBER WORLD OCEAN DAY
- 20-21 APRIL TREE PLANTING DAY
- 22 APRIL WORLD EARTH DAY
- 22 MARCH WORLD WATER DAY
- 31 MARCH EARTH HOUR
- 18 FEBRUARY GO GREEN EVENT 2012
- 2 JANUARY WORLD WETLANDS DAY
- 21 SEPTEMBER SCHOOLS GO GREEN CLEANUP
- 16 OCTOBER WORLD FOOD DAY
- 22 OCTOBER WORLD PLANTING DAY
- 22 NOVEMBER THANK YOU FOR GOING GREEN

BSP's Annual Clean Up Days

JOIN US CLEAN UP PNG

FRIDAY 21st BSP'S Annual Schools Clean Up Day

SATURDAY 22nd BSP'S Annual Clean Up PNG Day

Clean Up the World MEMBER 2012

Find Us On:

Niupela Maggi MagicTeist

Wanpela kain kuing pauda

Bai givim BEST teist long kainkain kuk

PNG sumatin go skul long Fiji

**Aja Alex Potabe
i raitim**

TAIM planti manmeri long kantri i lukluk go het long selebretim namba 37 Indipendens De bilong PNG, 14-pela PNG sumatin i lusim kantri las wik Fraide long go skul long Fiji.

Ol dispela sumatin em ol Australia Pasifik Teknikel Kolis (APTC) sumatin husat i bin skul long Pot Mosbi Teknikel Kolis (Pom Tek). Ol i go mekim namba tu semesta kos o skul bilong ol long Fiji.

Mausman bilong ol, Alfred Hundu Hama, i tok ol bai skul long Suva, Fiji inap 6 wik olgeta na ol bai kambek long mun Oktoba.

“Mipela amamas long

Asutralian Gavman long stretim dispela kain skolasip long helpim mipela long kisim hai kwaliti save. Bai mipela kisim ol dispela save na ekspirens i kambek long kirapim dispela kantri,” Hama i tok.

Long mun Februari dispela yia, sampela bilong ol dispela sumatin i bin go skul long Samoa aninit long dispela APTC skolasip.

Hama em i wanpela bilong ol dispela sumatin husta i bin go mekim ol seken semesta skul wok bilong Masin Fiting na Injiniaring, kos em i stadim long en, long Samoa inap 6-pela wik olgeta.

Nau em wantaim ol poroman bilong en i go bek long Fiji long pinisim

laspela semesta bilong ol pastaim long ol bai greduet long Diploma neks yia June.

“Mi amamas stret long dispela skul. APTC i skulim mipela gut tru stret. Mipela mekim ol praktikal wok wantaim ol kampani na tu lainim gut ol samting long klasrum. Sapos olgeta teknikel skul long PNG em i olsem APTC tasol, orait em bai gutpela gutpela tru,” Hama i tok.

Hama i bin laik amamas long makim independens selebresen o bonde bilong kantri long Mosbi yet, tasol i luk olsem em na ol arapela poroman bilong en i selebret na amamas wantaim ol PNG komyuniti long Fiji.



GO SKUL LONG FIJI...(L-R) Audrey Aben, Nicholas Bunari, Alfred Hundu Hama, Lionel Hagua, Hamita Tagobe na arapela 9-pela APTC poroman bilong ol i go long Fiji las wik Fraide. *Poto: Aja Alex Potabe*

Yunivesti sumatin mas kamaut, pait long kantri-Malabag

OL SUMATIN bilong yunivesiti i mas kamaut na pait long gutpela samting na ol nesenel isu bikos ol em lida manmeri bilong dispela kantri bihain taim.

Helt na HIV Minista, Michael Malabag, i tokim moa long 6, 000 manmeri na sumatin las wik Sarere long UPNG Waigani Kempas taim ol i makim namba 37 independens anivaseri, olsem ol yunivesiti sumatin bipo i bin pait long larim dispela kantri i kisim fridom, na dispela pait na wokbung bilong ol wantaim ol lapun lida bilong dispela kantri i lukim png i kisim independens.

“Mi laik tokim yupela olsem ol yunivesiti sumatin bipo i no save slip na sindaun nating. Mipela i save holim planti ol bikpela bung o forum long toktok long ol nesenel isu o samting bilong dispela kantri na pipel,” Malabag i tok.

Malabag, husat i Memba bilong Mosbi Not Wes, i tokim ol manmeri long tingim bek long gutpela samting ol sumatin lida i bin mekim bipo long gutpela bilong dispela kantri.

“Ol sampela sumatin lida i dai pinis. Sampela i kamap nesenel lida bilong dispela kantri. Ol i bin wokbung wantaim gut tru taim

PNG i laik redi long kisim independens long yia 1972, 73 na 74,” Malabag i tok.

Dispela taim, kain ol biknem lida bilong kantri olsem Sir Mekere Morauta, Paias Wingti, Sir Rabbie Namaliu, na ol arapela sumatin i bin pinis long UPNG, na givim ol tok edvais long ol lapun lida bilong Haus ov Asembli.

Taim kantri i bin kisim independens long yia 1975, ol yunivesiti sumatin husat i bin pinis long UPNG, i bin mekim bikpela wok long kirapim dispela kantri.

“Dispela taim nupela kantri bilong yumi i no bin gat moa save manmeri.

Planti ol wait manmeri tasol i bin stap. Tasol ol liklik namba bilong PNG manmeri husat i greduet long yuni i bin mekim planti wok long kirapim na senisim nupela kantri, PNG,” Malabag i tok.

Olsem na Malabag, husat i bin stap Presiden bilong Pablik Employi Asosiesen inap 23 yia olgeta pastaim long em i go iinsait long palamen, i bin salensim ol yuni sumatin long sanap strong olsem lida, na tokaut long ol samting gavman i no mekim gut long ronim dispela kantri.

Ol yut long Mosbi Notwes Ilektoret gat sans long wok ...Malabag na FTRA projek

Veronica Hatutasi i raitim

OL yut o yangpela pipel insait long Mosbi siti i gat sans nau long kisim vokesenel na teknikel trening skul long kisim save nawok, na helpim ol yet na ol famili bilong ol.

Na tok tenkyu i go long Memba bilong Mosbi Notwes na Helt Minista, Michael Malabag, na FTRA Trening na Rikrutmen Akademi.

Long dispea wik Tunde, Mista Malabag na FTRA i bin lonsim wanpela nupela na namba wan projek bilong ol yut long givim wok trening na ol i ken kontribut long gutpela sindaun na developmen bilong ol yet, komyuniti na kantri.

Ol i kolim dispela projek, MYSDEC Initiative na em i sanap long “Malabag Yut Skil Developmen na Emploimen Kriesen Inisietiv”, wanpela prioriti projek bilong Mista Malabag long helpim ol yangpela manmeri insait long ilektoret bilong em, Mosbi Notwes.

FTRA we Mista Malabag i patna wantaim long go hetim dispela projek em i wanpela trening na rikrutmen ejensi. Papa bilong dispela kampani, Dale Fisher, husat i stap long PNG long las 23 krismas i bin pinis long wok bilong em long 2008 na kirapim trening skul bilong ol yangpela pipel long kisim save na kamap ol hevi ikwipmen opereta.

Long dispela projek program bilong MYSDEC, ol yangpela bai kisim trening long kamap ol hevi ikwipmen opereta nadraiva

FTRA i gat komitmen long helpim kamapim ol sans long ol yangpela i kisim wok na monitaim trening wok long 6-pela

mun na trening long kisim wok ekspirens inap ol lain i stap long trening i kisim wok.

MYSDEC na FTRA i patna wantaim Seven De Etventis (SDA) Sios long go hetim dispela projek program long givim trenin g long 60 yut, na namba wan ples long Notwes Ilektoret ol i statim trening skul em long Jun Veli. Bihain ol bai surik i go long Hohola, Tokarara na ol narapela ilektoret aninit long Mosbi Notwes.

Komyuniti lida na man i bin kisim projek trening i go long ol Jun Veli yut, Vincent Greg, taim em i autim tok amamas i go long Minista Malabag na FTRA long dispela projek, i bin askim strong komyuniti long hap long kamap ol papa bilong namba wan kain projek olsem long kantri, na lukautim gut.

Em i tok skul fi long dispela kain kos em K3,000 long wan wan man, tasol ol yut bai kisim fri skul long en.

Long wankain taim, Minista Malabag husat i stap 5-pela wik tasol long nupela wok bilong em olsem Helt Minista na Mosbi Notwes memba i tok em bin promis long helpim etresim pasin bilong planti yut i stap nating na nogat wok, daunim ol sosel na loa na oda hevi insait long Mosbi siti i kirapim dispela projek nau long inapim ol toktok bilong em na soim olsem toktok bilong em i no wara nating.

Em i tok planti pipel long siti i nogat wok em i bikpela hevi na wari long siti na dispela em i wanpela rot we ol yangpela i ken painim rot long kisim save na mekim samting long kontribut long gutpela bilong ol yet, komyuniti na developmen bilong kantri.



UPNG SUMATIN...Ol Loa sumatin bilong UPNG i amamas na smail long makim namba 37 independens de bilong PNG long UPNG Main Kempas.

Kaugere nogat wara saplai long 10-yia

TAIM olgeta manmeri PNG i stap insait long kantri yet na ausait wantaim i bin redi long amamasim namba 37 indipendens de selebresen las wik Sande, ol sampela manmeri i no bisi long amamasim dispela de bikos ol i gat bikipela hevi long wara saplai.

Las wik Sarere, ol manmeri long Rabia komyuniti long Kaugere, NCD, i tok gavman i no bisi long singaut ol i bin mekim long Eda Ranu na NCD gavman long 10-pela yia olgeta long larim Eda Ranu i joinim wara i kam insait long setelmen bilong ol.

Dispela komyuniti i gat mo along 4, 000 wok manmeri, skul pikinini, lapun manmeri, na ol arapela pipel, tasol Eda Ranu i bin stopim wara saplai i go insait long hap sampela 10-pela yia i go pinis.

Mausman bilong Rabia komyuniti, Benjamin Muri, i tok ol manmeri na pikini i no save wasim ol yet gut, wasim klos, kukim kaikai long gutpela wara, na i no save dring gutpeal wara bikos ol i nogat gutpela wara saplai sistem long sevim laip bilong ol yet.

"Mi bin stap long hia inap 56 yia olgeta tasol long laspela 10 yia, laip i bin hat stret bikos mipela i no bin gat gutpela wara saplai hia," Muri i tok.

Em i tok ol i tokim ol lokol lida bilong ol tasol ol lida i no bisi o sore long laip bilong ol bikos ol i no bekim wanpela gutpela toktok yet.

"Mipela i stap long siti stret na em i no gutnius taim ol manmeri i harim olsem mipela long dispela komyuniti long Kaugere i nogat wara saplai, we wara em i wanpela namba wan samting long laip

bilong ol manmeri."

Pasto Esmon Epowa bilong Nazarene Sios long Kaugere i tok em i save peim K10 long baim wanpela 44 galon dram, we dispela i save sevim mipela long wanpela o tupela de tasol.

"Long wanpela wik, mi save peim K20 long baim tupela 44 galon dram wara tasol sapos mipela i yusim hariap tru bikos long planti samting long mekim olsem wasim klos o kukim kakikai, mi save baim narapela moa dram gen."

Pasto Epowa i tok ol pipel long dispela hap i nogat gutpela wara saplai na toilet na ol i stap long mak bilong kisim sik kolera. Olsem na gavman i mas luk-save long dispela hevi hariap bikos ol manmeri i stap long mak long kisim kainkain sik nogut bikos ol i wok long dring nogut wara.



TURANGU NOGAT WARA...Ol lapun manmeri, liklik pikinini, na mama wantaim ol komyuniti lida i soim ol emti kontena na baket bikos ol i nogat gutpela wara saplai. *Poto: Aja Alex Potabe*

Ol skul pikinini soim pasin bilong laikim kantri

Veronica Hatutasi i raitim

OL skul long kantri i bin mekim ol ektiviti wok long selebretim 37 bonde bilong kantri.

Fleg resing seremoni i bin kamap long bikmoning las wik Sande Septemba 16 long Indipendens Oval klostu long Palamen i bin pulap tu wantaim ol sumatin na ol skul sumatin i stap insait long Boi Skaut na Gel Gaid, husat i bin gat wok long mas na stap insait long dispela bikipela samting i tingim bek namba wan taim kantri bilong yumi i kisim strong long sanap long hanlek bilong em yet moa long 37 krismas i go pinis.

Indipendens Hil we seremoni i bin kamap i bin kam gut stret wantaim ol PNG kala bilong ret, blek na gol we ol

sumatin na ol narapela manmeri i bin putim long ol siot, trausis na meri klos ol i werim.

Bikos em i namba wan taim long mi i go long dispela seremoni, mi lukim olsem piling bilong laikim kantri, PNG, i bin stap strong long dispela taim.

Na taim bilong singim Nesenel Entem bilong yumi, man, nek bilong ol skul sumatin na moa yet, wanpela bilong ol, i no isi. Dispela i soim stret pasin bilong laikim kantri we ol yangpela bilong yumi i soim.

Long ol skul, ol sumatin na ol tisa i bin gat ol ektiviti long wanpela wiki nap long Septemba 16 na wanpela long ole m long putim ol PNG kala klos i go long skul insait long wanpela wik.



NOBLET SKUL: Sampela sumatin bilong Noblet Praimeri skul long Waigani, NCD, i soim ol PNG kala bilong ret, blek na gol we ol

Kar kilim sumatin na ronawe hait

WANPELA famili husat i stap klostu long Bahor long Amele eria long Madang provins i nau stap wantaim bikipela wari na sore stret bihain long pikinini man bilong ol i bin lusim laip bilong em taim wanpela kar i spit na bamim em, na kilim em las wik Sarere nait.

Dispela liklik boi, husat i gat 12-pela krismas i save skul long Luteran De Praimeri skul, i bin go wantaim papamama bilong en long lukim ragbi gem long haus bilong ol famili pren klostu tasol, na bihain ol i laik go bek long haus taim dispela birua i kamap.

Ripot i tok olsem wanpela kar i spit i kam, na bamim em, na bringim em samting olsem 10 mita, na lusim em klostu long ples we papa bilong em i sanap wetim em. Olgeta dis-

pela birua i kamap long tudak bilong nait.

Bihain long dispela kar i kamapim birua em i no stop. Em i spit tasol i go olsem long Madang taun. Nau yet nogat lain i save wanem kar tru i kamapim dispela trabel.

Insait long narapela hevi we i kamap long Madang i lukim sampela stilman i holim wanpela man bilong Esia, na stilim moa long K100,000. Dispela man i bin laik go long benk, na putim mani taim ol stilman ya i katim em wantaim naip, na kisim mani beg na kalap long wanpela motorobot na ronawe long solwara.

Planti ol narapela stil pasin tu i wok long kamap insait long Madang taun bikos polis i no gat inap lojistiks sapot long mekim gut wok bilong ol.

Madang taun nau i lukim wok bilong polis i go daunbilo

tru bikos namba bilong polis i no planti na tu ol risoses long sait bilong lojistiks i no inap.

Moa long en tu sel o haus-kalabus long Jomba i no stap long gutpela kondisen na helt atoriti i putim notis pinis long ol i pasim.

Planti ol lain insait long ol distrik long Madang i laik wok bilong polis i mas go strong bikos nau yet ol yangpela na yut long ol distrik i wok long dring 'yawa' o hombru na smuk mariwana na planti kain kain trabel i wok long kamap insait long komyuniti.

Ol i laikim olsem Intenol Sekyuriti Minista, Nixon Duban, husat em memba bilong Madang, i mas traim mekim samting nau long fiksim dispela ol hevi long provins we i mekim polis wok i slek tumas.

TANIM MARIT MANMERI STRET...



Pablik Holide long Mande i bin kamap wanpela sans taim bilong ol yangpela skul pikinini long tanim bikipela manmeri stret, na bungim ol yet long Pot Mosbi Neija Pak. Planti ol yangpela skul pikinini long ol praimer na hai skul i bin pulapim dispela hait ples long Mosbi. Poto i soim tupela bilong ol dispela yangpela pikinini i sindaun gut tru olsem hap marit manmeri stret. Poto: Lucy Marago



Ol Yabob sumatin long Jomba praimer skul samsam stret long danis 'Pudeng' long Ats presentesen bilong ol na Ol sumatin bilong NGL i sekim sekim stret long danis long Jomba praimer skul. Ol Poto: Angelyn McClay

Ol skul kalsarel so kilim swit bilong Madang Festival

BIKNEM Madang Festival i no kamap las wiken long makim namba 37 Indipendens selebresen. Planti lain long Madang i putim ai na wet nating. Tasol ol skul in-

sait long Madang i soim stret kalsa bilong PNG long ol kalsarel de bilong ol.

Nambawan lain long putim kamap kalsarel de bilong ol em Divain Wod Yu-

nivesiti (DWU), bihain long en em Madang Teknikel Kolis, na las wiken em Tusbab Sekendari Skul.

Ol praimer skul tu i soim ol Ats De bilong ol we i

lukim wanpela skul long taun, Jomba Praimeri Skul, i soim ol naispela danis tru. Tru tumas, planti pipel i no amamas nau long Madang Festival komiti, tasol ol skul

na institusen bilong Madang i wok long soim tru kala, stail na bilas bilong PNG.

Planti ol manmeri bilong Madang i laik wanpela

pemenen komiti i kamap long lukautim wok bilong lukautim na ronim Madang Festival bikos dispela festival i save pulim moa turis i kam insiat long Madang.

Wol Visin i nogat visen long projek bilong en

WANEPLA lida man bilong Usino Lokol Level Gavman (LLG) Wod 13 insait long Madang Provins i wari tru long ol kain wok we i no gat kaikai tru bilong em, tasol dispela bikpla Nan-Gavman Ogenisesen (NGO) insait long kantri – Wol Visin (World Vision) i save karimaut.

Gerhardes Borkent bilong Usino Bik Ples i mekim dispela toktok taim em i autim wari bilong en, na long wankain taim em i tok Wol Visin em i wanpela NGO we i no gat visen stret long ol kain wok na program bilong em insait long Usino na ol narapla hap long kantri wantaim.

"Wol Visin em i no gat visin stret. Ol program bilong en i no save kamap klia long ai, na tu nogat kaikai stret long stap longpela taim," Borkent i tok.

Borkent i mekim dispela toktok bihain long ol wokman bilong Wol Visin i go long Usino asples wantaim ol medikel opisa bilong Walium distrik, na askim ol kainkain askim long ol mama bilong Usino asples.

"Ol i save kam wantaim Len Krusa kar na nupela su bilong ol, askim kainkain kosten, na go bek long Madang wantaim klinpela su. Ol i save go long hap we i gat rot tasol, na i no save go insait long asples we nogat rot long lukim stret wanem samting i save kamap long hap."

"Ol i tokim mipela olsem, wantaim ol dispela infomesen, ol bai kisim sampela gutpela sevis bilong mipela. Na ol i no bin mekim tok promis bilong ol kamap tru, na nau ol i kam bek gen," Borkent i toktok.

Borkent i tok ol mama long Usino na ol narapela hap bilong kantri long ol asples i save dai long sik kensa bilong susu, na tu taim ol i karim pikinini tasol ol gavman ejensi i no bin wok hat long daunim ol dispela

hevi.

"Ol lain bilong mi long Usino save ting sanguma pasin, tasol em i no tru. Dispela ol sik we marasin inap helpim i wok long kilim ol, na sapos Wol Visin i gat bel tru long helpim, orait wokim i mas mekim wok stret," Borkent i tok.

Em i tok long yia 1985, Wol Visin i bin wokim wanpela wara pam projek, tasol dispela wara pam i no bin stap longpela taim. Bihain ol i bin opim wanpela pri-skul tasol, ol i no save helpim wantaim ol arapela samting long dispela skul bai stap oltaim.

Borkent i tok Wol Visin i opim wanpela liklik haus sik o ed pos tasol ol i tasol i bin pasim gen. Bihain ol i bin wok patnasip wantaim ol wok didiman lain bilong gavman long skul bilong kakao tasol dispela kain wok i no stap nau.

Em i tok nau yet, Wol Visin i karimaut sampela program long larim ol pipel i kamapim gutpela laip, na lukautim ol yet tasol, ol i pipel i bilip kain wok pasin bilong Wol Visin bai nonap stap longpela taim.

Borkent i tok long 2007, Wol Visin i bin karimaut Gut Gavanens Program, na tokim ol pipel long kisim wod profai, we bai ol i yusim long kisim sampela sevis i kam tasol dispela tok promis bilong ol i wara nating, taim ol i kam kamap las wik long wokim ol narapela wok gen.

"Wanem samting stret Wol Visin i bin mekim long ol pipel bilong Usino-Bundi? Ol i save bihainim rot bilong kar tasol long su bilong ol bai nonap deti."

"Wol Visin i save kam na kism ol data na yusim long kisim mani long ol sampela interenesenel dona ejensi, na yusim long mekim wanem wok stret?, Borkent i askim.



Wantok

NIUSPEPA BILONG YUMI OL PNG STRET!

Subscribe for your WANTOK Niuspepa now!!

All you have to do is fill in the form below and arrange for payment and we will dispatch your copy of the **WANTOK** to you each week. We publish the **WANTOK** 52 times a year.

AIRMAIL SUBSCRIPTION RATES (includes postage & handling)
PNG K220.00, Australia/New Zealand US\$110.00, Asia/Pacific US\$150.00
Rest of the World US\$210.00

NCD HOME DELIVERY
80t per copy or K65.00 for two or more copies. Office pickup K52.00 per year for a copy.

Please send me.....copy/copies of WANTOK for one year.

I enclose Kina/USD..... as full payment.
Name.....
Postal Address.....
City.....
State/Province.....(abbreviation)
Country..... Zip/Postal Code.....
Street Address.....
Telephone..... Fax.....
Email.....
Signed..... Date.....

Address: Subscriptions
Word Publishing Company Ltd
PO BOX 1982
Boroko, NCD 111
Papua New Guinea

Attn: **Luke MEK** (Circulation & Distribution)

Ol meri Wass gat PMV bilong ol yet

James Kila i raitim

OL mama long Bugati eria long Astrolabe Be Level gavman (LLG) long Raikos distrik long Madang provins i soim pinis strong na kala bilong ol long kamap olsem mama stret bilong wanpela PMV trak.

Ripot long dispela hap i stori olsem ol maket mama bilong ol viles stat long Erima i go olsem long Bugati i kamapim wanpela grup o koporetiv na i bungim mani na baim wanpela PMV trak we nau i save karim ol mama i go kam long maket na helpim ol oltaim.

Tru tumas, sapos yu wanpela nupela man o meri i go long Madang, bai yu painimaut olsem planti ol lain mama o meri husat save salim ol fres gaden kaikai long bikpela Madang taun maket em ol mama bilong Bugati eria.

Bugati eria em sampela long ol em ol i save kolim ol 'Wass' olsem na ol mama long hap i putim dispela nem long trak bilong ol em ol i kolim "Lady Wass". Dispela trak em soim strong na pawa bilong ol mama long wokim bisnis na sapotim ol yet long strongim famili insait long wan wan haus bilong ol, komuniti na LLG eria bilong ol.

Dispela nem 'Wass' dispela planti ol lain bilong harim na feveret lokal musik bilong Madang bai tingim yet Wass Kadoi musik grup bilong ples

Lalok long Bugati eria yet.

Yes, Lalok viles em stap Bugati eria na yes, dispela nem i sut long tokples bilong ol lain long Astrolabe Be eria stret.

Pasin bilong wok-bung we ol maket mama grup bilong Bugati i soim em winim tru ol arapela mama grup long planti hap bilong PNG.

Yumi save harim olsem planti taim insait long planti komyuniti long ol viles na hauslain, ol meri i no save wok-bung wantaim tumas. Planti taim ol meri save tok-baksait na pulim nus i go kam nabaut taim wanpela i laik go pas long wokim samting. Kain pasin olsem save bagarapim ol gutpela wok em ol mama laik statim.

Moabeta, ol mama insait long Madang i lukim dispela gutpela piksa tru ol lain maket mama bilong Bugati i mekim na traim bihainim.

Salens nau i stap long ol arapela mama olsem ol lain long Sumgilbar, Karkar, Amele, Bogia long bihainim lekmak bilong ol susa long Wass kantri, husat nau i gat PMV trak bilong ol yet ol i kolim "Lady Wass".

Ol mama bilong salim buai oltaim long NCR mas noken paul paul yet na westim mani tumas long baim rais tinpis na nogat seivings blo yupla. Traim sevim mani na wok bung wantaim ol arapela na bai yupela men mekim bikpela samting. Salens nau i go long yupela.



POTO: MAMA MAKET TRAK: Dispela PMV trak ya 'Lady Wass' em ol lain maket mama bilong Bugati long Astrolabe Be i bung wantaim na baim. Em save bringim ol i go kam long maket long Madang. Poto: James Kila



NAISWAN:
Norah i
lainim gut ol
taro i stap.
Poto: Aja
Potabe



BANANA: Ol naispela pres banana we Jennifer Ivoro i kisim long gaden bilong em na salim i stap long Sogeri. Poto: Aja Potabe

PNG SUSTAINABLE DEVELOPMENT PROGRAM LTD

Wara na nupela suris sistem long Daru

PNGSDP i laik lukim strongim bilong ol sevis olsem helt na edukesen insait long Westen Provins. Strongim bek gen bilong wara na suris sistem bilong Daru taun tu em i wanpela projek olsem we em i bikpela samting tru long PNGSDP.

Namba bilong olgeta manmeri nau long Daru em i 13,000, tasol em i save senis insait long wanwan yia taim i gat ol pipel i lusim bikples Westen Provins long go long Daru long kisim ol besik helt sevis. Nau yet i nogat gutpela wara saplai na suris sistem i stap, na ol kain kain doti pasin i wok long kamap long ailan. Bikpela namba manmeri i bin lusim laip taim sik kolera i bruk long pinis bilong 2010, na i muvim ol lokal atoriti long wok bung wantaim long mekim samting long daunim ol kain birua olsem long kamap gen.

Long Epril 2012, Water PNG (WPNG) na PNGSDP i sainim wanpela agrimen long wanpela K52 milian wara saplai wok stretim projek, na developmen bilong wanpela wol klas suris sistem bilong Daru. Mi bin go long Daru wantaim ol wanwok long namba wan de bilong mun Jun, 2012, long lukim bikpela brukim graun seremoni bilong dispela PNGSDP projek. Ol asples manmeri, Membra bilong Palamen, PNGSDP wokman na ol arapela bikmanmeri i bin stap long lukim dispela wok makim.

I gat bikpela nid i stap long wanpela nupela wara saplai sistem long ailan. Wara saplai sistem i stap nau, em ol i bin sanapim moa long 35 yia i go pinis, na i bagarap olgeta.

Ol wanwok bilong me long Transformational Project Unit (TPU) i wok had tru long mekim projek wok i kamap stret. Wok disainim bilong wara saplai i pinis nau, na wok bilong kisim ol pos na aiyen bilong sanapim stret i go het. Mipela i skelim olsem projek bai pinis na op long mun Julai 2013.

Tu i gat nid bilong wanpela gutpela suris sistem bilong ailan. Nau yet taun i save yusim baket sistem bilong toilet, we ol manmeri i save toromoi baket i gat pekpek long en, long nambis na solwara.

Daru ailan i nogat maunten long en. Dispela i bin givim hevi long disainim wanpela suris sistem we bai i nogat birua i ken kamap long ol han wara i stap aninit long graun. Long abrusim dispela birua, ol bai putim wanpela fen long pinis bilong suris peip bai em i ken pulim ol suris wara i go aut. Dispela kain suris sistem, ol i save yusim long ol balus, na em bai namba wan taim ol bai yusim long PNG. Wanpela wok model o piksa i bin stap long Eruel Ripot Miting bilong kampani long mun Jun dispela yia.

Wanpela namba wan disain ol i mekim pinis, na i go long miting ol i kolim namel long PNGSDP na WPNG. Narapela wok nau em laspela disain. Laspela disain wok bai pinis long mun Disemba. Pinisim bilong dispela projek, ol i tok bai kamap long 2015.

Water PNG bai kisim na lukautim dispela nupela wara na suris sistem taim olgeta wok i pinis. Mi amamas tru olsem PNGSDP i wok long strongim infrastraksa long Daru, na dispela i wok long senisim laip na sindaun bilong ol manmeri long Daru Ailan, na pipel bilong Westen Provins.

I kam long tebol bilong CEO (Article #35 of 2012)

CEO: David Sode

Tel: (675) 320 3844/45 | Fax: (675) 320 3855 | Email: enquiries@pngsdp.com
Website: www.pngsdp.com

UPNG amamasim indipendens wantaim stail

**Samuel Peter
Koim i raitim**

**YUNIVESITI ov
Papua Niugini
(UPNG) i soim
amamas bilong em
long makim 37 yia
i n d i p e n d e n s
bilong kantri wan-
taim gutpela kala
na stail.**

Moa long 5, 000
man, meri na pikini-
ni i bung na ama-
mas wantaim ol yuni
sumatin long dis-
pela spesol de
bilong kantri bilong
yumi.

Ol sumatin i go
insait long ol provin-
sal grup bilong ol
long bilas. Planti
grup i kam wantaim
ol gutpela tumbuna

bilas na danis bilong
ol yet. Ol sumatin i
no wari long san i
bin kukim ol.

Ges spika
Michael Malabang,
husat i Helt na HIV
Minista na Memba
bilong Mosbi Not
Wes, i givim
bikpela tok amamas
long ol man husat i
bin stap long dispela
yia taim PNG laik
kisim independens.

“Ol man husat i
stap long dispela yia
(1974) i bin strong
tru na helpim ol
lapun papa olsem
Gren Sif Sir Michael
Somare, John
Momis, Sir Julius
Chan, na ol arapela
lapun lida bilong
kantri long karim

PNG kam fowat, na
mipela i mas luk-
save long hatwok ol
i bin mekim,”
Malabag i tok.

Presiden bilong
UPNG Jiwaka
Studen Asosiesen,
Junior John, husat i
bin bilas wantaim
Jiwaka sumatin, i
tok em i amamas
long bilas long dis-
pela de bikos dis-
pela de i makim de
we kantri bilong
yumi i bin kisim
fridom.

Narapela sumatin
bilong Kandep, Apa
Igini, i tok em i ama-
mas stret long
makim dispela
namba wan de

bilong kantri bikos
PNG bai nonap long
stap olsem nau
yumi stap sapos ol
lapun lida bilong
kantri i no bin strong
long kisim indepen-
dens.

“Yumi mas tok
tenkyu long Papa
God bikos em i bles-
im yumi gut tru wan-
taim ol risos na
kainkain samting,”
em i tok.

Planti ol sumatin
grup i bin bilas long
soim amamas long
ol, tasol ol sumatin
bilong nupela Hela
Provins i no bin bilas
na danis bikos pres-
iden bilong ol i bin
paulim mani ol inap
long haiarim ol bilas.



Ol Westen Hailans sumatin i danis long makim independens de long UPNG. Poto: Aja Alex Potabe

Kantri i gat salens long stap long klinpela na helti ples

...Tromoim gut ol pipia

**Veronica Hatutasi
i raitim**

SALENS i go long ol
sumatin, komyuniti na
pipel long dispela kantri
long senisim pasin bilong
ol long bungim na tro-
moim gut ol pipia bilong
ol long ol dram, na ol i
ken amamas long stap
long gutpela na klinpela
ples.

Hai Komisina bilong
Australia, Ian Kemish, i
bin wokim dispela salens
long las wik Fraide taim
Australian Hai Komisin
(AHC)I bin patna wan-
taim Bavaroko Praimeri
Skul insait long Nesenel
Kapitel Distrik (NCD)
long luksave long “Clean
up the World” o Klinim
Wol kempen i save
kamap long Septemba
14 olgeta yia.

Het tok bilong de long
dispela yia em, “Our
Place, Our Planet, Our
Responsibility” o “Ples
bilong yumi, Planet
bilong yumi na Wok
bilong yumi.

AHC i bin makim
Bavaroko Praimeri Skul
long patna wantaim na
luksave long dispela de
long wanem, em i wan-
pela olupela na bikpela
skul insait long NCD. Tu,

Mista Kemish i tingim dis-
pela skul long wanem,
pastaim long PNG i kisim
independens, em bin liklik
mangki na em bin stap
klostu long hap taim
papamama bilong em i
bin wok long Pot Mosbi
long dispela taim.

Bavaroko i gat 1,368
sumatin, 34 tisa long
Gret 3 inap long Gret 8
level, na 18 tisa i lukau-
tim moa long 600
Elementeri sumatin.

Mista Kemish, meri
bilong em Roxanne
Matens na ol volantia
long AHC i bin donetim
810-pela bikpela wili bin
o rabis dram, 10-pela
rek, tripela wara hos, ol
pipia bek na ol glav
bilong putim long han na
bungim ol pipia long en.

Taim em i givim ol
donesen long helpim skul
i putim gut ol pipia na
skul i stap klinpela olgeta
taim, Mista Kemish pas-
taim i bin autim tok ama-
mas bilong em long
namba 37 Independens
bonde bilong dispela
kantri, em bin wokim dis-
pela toktok na salens
long ol sumatin, komyu-
niti na kantri:

“Em i bikpela samting
long kamap independen
na long selebretim dis-

pela na tingim mining
bilong em.

“Bai yumi amamas
long skul, ples na kantri
sapos ol i klin na helti.

“Pot Mosbi i gat hevi
long wanem, em i pulap
long ol pipia pipel i tro-
moim nabaut.

“I mas gat ol gutpela
sevis gavman i givim,
tasol pipel i mas tro-
moim gut ol pipia insait long ol
pipia dram.

“Bikpela samting em
long senisim pasin. Long
ol yia long 1960's,
Australia i bin narakain
long sait bilong pipia,
tasol long nau, yu no nap
lukim wanpela pipia
nabaut long ol ples, taun
na siti.

“Tingting na pasin bilon
g ol pipel long PNG i mas
senis na yupela i mas
putim ol pipia long ol
pipia dram.

“Bihainim het tok, em i
wok bilong yumi long
kipim ples i klin na helti,
Yupela i gat wok long
mekim long lukim olsem
ples i klin. i moabeta
yumi senisim pasin n a
tingting long bungim na
tromoim gut ol pipia
bilong yumi.

“Lukautim gut
environmen na ol lain i
kam bihain long yumi i

ken stap long gutpela
ples.

“Dispela em ol salens
yumi gat long en,” Mista
Kemish i bin tok.

Siameri bilong skul,
Susan Saiho, taim em i
autim bikpela tok ama-
mas long AHC i makim
skul bilong em long
wokim klin ap na tu, givim
ol pipia dram na ol nara-
pela samting long klinim
skul long en, i bin sapo-
tim toktok bilong Mista
Kemish, long senisim
pasin long rot yumi save
mekim ol samting long
en.

“Senis i mas stat long
yumi wan wan na i mas
stat long tingting na
pasin. Na i mas stat long
skul, ples yumi stap long
em na kantri.

“Ol samting we Hai
Komisina n a lain bilong
em i givim long skul em
yumi mas lukautim gut na
ol bai helpim yumi long
klinim gut skul,” Misis
Saiho i bin tok.

Mista na Misis Kemish
na ol volantia long opis
bilong em i bin helpim ol
sumatin bilong Bavaroko
Praimeri skul long klinim
skul graun eria na rau-
nim skul banis long klinim
ol pipia, bungim na tro-
moim ol gut.



SOIM ROT: Hai Komisina bilong Australia, Ian Kemish, i go pas long soim rot na helpim ol sumatin long klinim ples we tep wara ol sumatin i save dringim i stap long en. Poto: Nicky Bernard



LUKSARE LONG PNG BONDE: Sampela tisa bilong Bavaroko Praimeri Skul i putim ol PNG kala klos long luksave long namba 37 independens bonde bilong kantri. Poto: Nicky Bernard.

Malmal ples lain i kisim indipendens presen

Pater Robert Plews Laka i raitim

OL PIPEL bilong ples Malmal ausait long Madang Taun i ken kisim gutpela klinpela wara bi-long dring na kuk long en, na dispela i kamap wantaim helpim bilong ol sumatin long Divain Wod Yunivesiti (DWU) long Madang.

Long las wiken, ol pleslain bi-long Malmal i bin gat dabol selebren. Wanpela em long tingim 37 bonde bilong PNG, tasol moa long en, ol bin gat bikpela amamas long selebretim presen we ol tet yia sumatin bilong DWU i skul long Sosel na Rilijes Stadis i bin givim long ol.

Dispela presen em long wanpela tafa tenk wara na ol samting long sanapim tenk long en.

Ol sumatin na ol ples lain bi-long Malmal i bin stap insait long wanpela tok tenkyu Misa Lotu long DWU sapel o haus lotu pas-taim long givim ol ples lain dispela tenk wara na selebret.

Het bilong Sosel na Rilijes Stadis long DWU, Dokta Pater Robert Plews Laka, SVD, i tok wanpela yunit ol tet yia sumatin i bin kisim em long Komyuniti Di-velopmen na Prektis. Na leksera bilong ol, Monica Sikas i skulim ol sumatin long strongim pipel long helpim ol yet na lukim devel-opmen i ksamap. Dispela i bin wanpela long ol samting we ol



AMAMAS NA SINGSING DANIS: Ol yangpela Malmal i putim naispela bilas na singsing danis tumbuna long soim amamas bilong ol long nupela tenk wara bikos ol bai no nap tuhat long painim gutpela ren wara bilong dring na kuk. Poto: Pater Janusz

sumatin na ol Malmal ples lain i bin lukim samting ol i lainim i karim kaikai.

Bihain long Sande lotu long Septemba 16, Pater Plews Laka i bin givim tafa tenk wara na ol narapela samting i go long ol ples lain bilong Malmal. Ol tet yia Sosel na Rilijes Stadis sumatin i bin stap long witnesim ol ples lain i kisim tenk wara, ol simen bek na gata. Ol narapela biklain i bin stap long dispela seremoni em long Francis Mahap husat i klas petron, Monica Sikas, Brata Michael Pentecost MSC i makim ol MCS long Australia na Pater

Janusz em keteka SVD pater.

Long ol toktok bilong em, Dokta Laka i bin tok dispela tenk wara em i indipenden gif long ol pipel bilong ples Malmal i kam long ol MSC kongrikesen husat i bin givim moa long K5,000 long baim na salim tenk na ol metiriel i go long ol ples lain ya.

Em bin tokim pipel long lukautim gut tenk wara olgeta taim na em i ken helpim ol long gutpela ren wara bilong dring.

Dokta Laka i tok ol sumatin i bin karimaut wanpela wok risets long ples Malmal lon g 6-pela

mun, na painimaut olsem ol i nogat gutpela wara bilong dring. Olsem na ol bin raitim wanpela proposel pas i go long ol bisnis haus na ol sariti ogenaísesen long givim ol helpim.

Na gutpela tru, ol MSC kongrikesne lonmg Australia Provins i bin kam gut na nau, ol Malmal ples lain bai gat gutpela wara bi-long dring na kuk wantaim.

Olgeta lain i stap long sere-moni i bin gat gutpela taim we ol pipel i putim kamap ol tumbuna singsing na danis na bung kaikai wantaim.

Ol wokmeri bilong sios i kisim ol presen

Paulus Tali i raitim

OL Luteran meri Boana insait long Nesenel Kapitel Distrik i givim bikpela helpim i go long ol meri pasto na evanjelis.

Planti taim i no gat luksave long distrik, seket na peris long

sait bilong helpim ol wok man bi-long God.

Olsem na ol kain rot i stap we yumi ken helpim ol pasto na ol evanjelis long sapotim na strongim wok misin i go moa.

Ol wokman bilong Bikpela i gat ol famili we ol i mas lukautim

long kaikai, ol skul fi na long dispela i moabeta ol bilip manmeri i ken tingim long sapotim ol.

Ino long taim i go pinis, 6-pela meri Boana i save stap long Mosbi i bin bihanim wokabaut bilong Nesenel Luteran Mama Konprens bai kamap long Mu-

meng Distrik stat long dispela Sarere Septemba 22 i go inap long namba 29, na givim ol 30 masin bilong somap i go long ol 30 pasto na evanjelis long Buana Distrik.

Ol bin baim ol dispela 30 somap masin long Lae long manimak i abrusim K235,00. Prais bilong wanwan masin em long 7,050.00.

Maus meri bilong 6-pela meri i kam long NCD, Serah Rumbang, i tok olsem ol i lukim nid bilong ol wok manmeri bilong God we planti long yumi ol Kristen i no save givim helpim tumas na sapotim ol long karimaut wok bi-long Bikpela.

Long wankain taim tu, ol Luteran meri Buana long NCD i tok ol bai lainim ol meri bilong ol pasto na ol evanjelis long somap na ol i ken helpim ol wanwan famili long somapim ol bruk klos na tu, somapim ol klos long painim liklik mani long sapotim ol famili na wok misin bilong ol.

Misis Rumbang i tok moa olsem long detaim, ol de taim, ol i lainim ol meri pasto bilong Boana long somap, na nait, ol i givim Baibel Stadi we meri bi-long Pasto Warasokac long NCD i go pas long em.

Het tok bilong stadi em, Pikinini em Gaden bilong Yumi i kam long Galesia, 6, 7B. Planti taim yumi save ting olsem samting yumi gat em bilong yumi na yumi no tingim long helpim arapela. Tasol dispela em i no pasin God i laikim.



Ol Boana Luternsn meri long NCD i giivm ol masin bilong somap i go long ol meri pasto na evanjelis. Poto: Paulus Tali

GLASIM TOK
WANTAIM
Fr Lollington Wiam



Ogas 26 pablik holide paulim PNG

LONG Ogas 26, 2012, gavman na ol liklik lain lotu hauslain i stiaim gavman long makim pablik holide i pani na i paulim 7.5 milien man meri long dispela kantri.

I gat askim olsem, wanem kain pablik holide na husat i tok oraitim dispela?

Sapos NEC i tok orait long dispela na kamapim olsem loa long yumi, orait wanem hap Mama Loa i tok orait long dispela o insait long sios kalenda i tok orait long dispela?

Yumi mein lain o ol bikpela sios i gat sios kalenda, na yumi gat tupela pablik holide.

Em Krismas, bon de bilong Jisas, na Ista, em taim bilong Jisas i kirap bek long matmat. Dispela tupela em bikpela de we wol na yumi long PNG i bihainim.

Em tasol yumi save em ol pablik holide. Na nau tasol, gavman i kamapim i no luk gutpela. i luk olsem gavman na ol liklik lain lotu i abrusim wok bilong PNG Kaunsel bilong Sios (PNGCC) long wanem, dispela em wanpela pawaful o strongpela bodi i makim ol mama sios husat i sindaun na givim sevis moa long wan handret yiar insait long PNG.

Ol dispela ol liklik lain lotu husat i givim krangi stia i go long gavman, i save mekim na givim wanem kain ol sevis?

Gavman bilong PNG i luksave wok bilong ol biknem sios husat i givim ol sosel sevis, na planti ol arapela hatwok inap bungim tingting wantaim na kamapim wanpela de tasol long bung pre. Em i moa gutpela long pablik holide;

Long bung pre yes! Yumi gat long sios kalenda na tu tok Inglis em (Christian Unity) na em i save kamap namel long Asensen na Pentekos. Dispela Kristen Yunit i min olsem yumi kam bung na lotu wantaim, pre wantaim, wok bung wantaim ol arapela na bikpela samting em spiritual yuniti.

Sapos gavman i putim dispela kain samting, i moa gutpela long wanem yumi ol Katolik o pentikostal, o ol arapela lotu grup i ken go long bung wantaim ol palamen memba.


Long bilip bilong mi, sapos gavman i wok wantaim PNGCC o ol biklain sios, ol bai inap helpim gavman.

Em nau, em taim we gavman bilong yumi i mas luksave na kisim stia tingting long PNGCC long wanem, dispela em ol biklain sios husat i kamapim kainkain sosel sevis wok insait long siti, taun, distrik na bik bus ples.

Olsem na mi laik tok olsem gavman i mas rausim dispela Ogas 26 pablik holide.

I nogat gutpela as tingting na gavman bilong yumi i kamapim na paulim yumi olgeta.

Na yumi sios tu i no laikim dispela kain rabis pablik holide i kamap gen. Rausim! Rausim! Rausim.



O'Neill autim sampela gutpela tingting

Amamas bilong Independens i pinis na yumi harim pinis olgeta gutpela toktok bilong Praim Minista bilong Papua Niugini Peter O'Neill long ol gutpela samting gavman bilong em i laik mekim long kantri bilong yumi.

Praim Minista i tokaut pinis olsem Papua Niugini i abrusim planti gutpela samting we em inap kisim gutpela sevis na developmen en. Kantri i nogat hevi o wari long mani bikos mani i stap tasol rot yumi bin yusim ol dispela mani em i no stret. Yumi paolim mani na tromoi mani go long ol kainkain samting nabaut we i nogat gutpela kaikai i kamap long yumi kisim.

Plantu em sutim tok long korapsen o pasin bilong paulim na haitim ol mani bilong kantri olsem na mani i no go stret long helpim ol pipel bilong yumi.

Gutpela long harim bosman bilong kantri i tokaut olsem na soim tru wanem kain tingting em gat long kantri bilong yumi bai



bihainim.

Wanpela bikpela toktok em mekim em long ol pablik sevens wokmanmeri i noken slek. Ol mas smat long wok bikos wok bilong ol pablik sevens tasol em long karim sevis na developmen go long ol ples na pipel bilong yumi. Narapela tu em ol lida bilong palamen mas putim mani go stret long wok we kaikai bai kamap long en long sevim pipel.

Wanpela wok tu em gavman bilong em bai klinim olgeta sik nogut olsem pasin stil na korapsen we i stap pinis long kantri na ol opis bilong yumi. Em laik klinim ol dispela na sasim ol lain husat save mekim ol stil pasin olsem long planti tausen na milien kina mani bilong kantri bilong yumi.

Gavman bilong Peter

O'Neill em nupela gavman olsem na yumi givim em liklik taim na lukim sapos ol toktok em bin mekim long las wik long Independens De bilong kantri bai

kamap tru. Tru tumas olgeta samting bai i no inap kamap gut na karim kaikai hariap tasol sampela piksa bilong ol dispela tingting na wok mas kamap bai yumi ken lukim na save olsem toktok bilong bosman wok long kamap ples klia nau.

Em bai givim yumi tingting olsem ol toktok na plen bilong gavman wok long karim kaikai na pasin bilong wanbel na sapot wantaim inap kamap gut.

Tru tumas kantri i no inap ron long strong bilong Peter O'Neill tasol. Yumi olgeta wokman, saveman, bisnisan, lotu lain na olgeta kainkain hap yumi stap i gat wok long mekim tu long strongim tingting na wok plen bilong gavman. Sapos yumi save long husat save stil na mekim

pasin korapsen, orait kotim em. Noken haitim em bikos yumi haiting bai em mekim yet na pulim moa lain go insait long kamap korap lain tu.

Yes, long ol bikpela de olsem independens yumi save harim ol naispela na bikpela toktok na plen bilong gavman long givim yumi amamas na wanbel long gavman na kantri bilong yumi. Tasol taim ol dispela bikpela de i pinis, em taim bilong mekim wok nau.

Olsem na yumi mas tingim olsem, taim bilong wok em taim bilong wok. Noken sindaun kros na belhat nabaut nabaut stap. Yumi traim na sapotim tingting na plen bilong gavman na mekim i wok. Yumi noken egensim tumas na tok baksait tumas na sindaun olsem les lain na komplem.

Dispela kain pasin em nogat wanpela gutpela senis na samting bai kamap long sindaun bilong yumi na komyuniti bilong yumi na kantri olgeta.



KOMENTRI

Pasin brata i gat wanem kain dinau?

LONG ol wik i kam, yumi bai lukim ol asailam sika manmeri i laik go long Australia, i kam pulapim Manus Ailan.

Bihain long ileksen na i kam inap nau, lain Oposisen long palamen i wok long tromoi ol sut toktok long Praim Minista Peter O'Neill na ol sinia gavman minista bilong em.

Wanpela long ol samting ol i sutim, em as bilong planti minista i go raun ovasis. Ol i tok ol i go raun nating.

Praim Minista O'Neill i belhat na bekim ol dispela toktok, na tok olsem ol i no go long pati. Ol i go na mekim bikpela wok tru.

Wanpela long ol dispela samting em long sainim agrimen wantaim Australia gavman long opim bek Manus Ailan Ditensen Senta bilong ol refuji o asailam sika.

Ol em dispela ol lain bilong arapela kantri, husat i ronawe long pasin pait o taim nogut, na laik kam sindaun long kain ples olsem Australia.

Plantu long ol i peim bikpela mani long hait na traim go insait long Australia.

Nau, ol bai kam pulap long Manus.

Em i longpela taim pinis, taim laspela ol lain i bin kamap na stap long Manus.

Na plantu long ol yangpela tude, i no klia long wanem ol samting i bin kamap bipo.

Plantu toktok i wok pairap antap antap tasol olsem mipela PNG i mas luksave long nid bilong Australia, na halivim.

Olsem na mipela bai kamap olsem ol mauspas bilong Australia, na harim tok bilong ol tasol.

Las taim tu i bin olsem.

Ol lain Pakistan, Afganistan, na India i kam stap long Manus, na i no long taim, yumi harim ol stori olsem ol meri Manus i wok long kalapim banis i go insait long dispela ditensen senta.

Plantu toktok i pairap long ol lain hap-Manustan.

Sapos i tru o nogat. Bikpela tok lukaut i stap wantaim dispela ol stori, em sosol hevi na senis dispela program bilong halivim Australia i kamapim.

Hamas long ol dispela lain, bai ronawe long banis na prenim ol asples manmeri? Na olsem wanem sapos namba bilong ol manmeri i laik go long Australia i go antap? Bai yumi stat lukluk long ol arapela provins bilong yumi long sanapim ol asailam sika ditensen senta?

Ating mobeta, yumi harim toktok bilong ol loa saveman bilong yumi. NCDC Gavana Powes Parkop i tok klia pinis, olsem yumi no inap holim nating manmeri taim ol i no mekim wanpela asua, na yumi no sasim ol tu. Yumi lukluk stap, na was gut long ol birua bilong 'pasin brata'.



Published Weekly, Thursday, for
Word Publishing Company, Ltd.
P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia
52 niuspepa

Ples:

PNG

AUSTRALIA

ASIA PACIFIC na JAPAN

AMERICA na EUROPE

Air:

K220.00

US\$110.00

US\$150.00

US\$210.00

General Manager
Elizabeth Konga

Editor

Neville Choi
Published at

Able Building Complex,
Sec 58 Lot 02,
Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.



TOK PISIN NEWS

from Radio Australia

radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service	
6am - 7am	6080; 7240(KHZ)
7pm - 9pm	5995; 6020; 9710; 1280(KHZ)

Nauru i no gutpela long kisim ol meri na pikinini: Salvesen Ami

SALVESEN Ami i tok ol i mas kamapim gut ol haus bilong slip na sevis long Nauru, pastaim long ol i kisim ol meri na pikinini i go long hap.

Namba tu grup bilong ol asailam sika long Christmas ailan i kamap pinis long Nauru long joinim arapela 30 husat i bin go las wik Fraide.

Dispela senta long hap i bihainim yet ol plen bilong gavman bilong Australia long stretim ol askim bilong ol pipel i kamap long bot, o asailam sika long ol atoriti iken skelim ol askim bilong ol long kamap refuji.

Tasol gavman bai no givim moa toktok long hamas bilong ol bai go long Nauru dispela taim, na sapos bai ol i gat ol meri na pikinini.

Paul Moulds bilong Salvesen Ami, i tok ol i noken kisim ol meri na pikinini i go inap ol i pinisim gut ol haus, em ol i wok long bildim nau.

Em i tok ol asailam sika i stap long tent kompaun bilong ol, tasol em i bilip, bai ol i larim ol long muv raun long ailan sampela taim klostu.

Imigresin Minista bilong Australia, Chris Bowen, i tok dispela namba tu grup i gat 36 man olgeta. Em i tok i no bin gat wanpela hevi taim ol i kisim ol i go long Nauru.

PNG i makim indipendens de

LONG Sande, Papua Niugini i bin makim 37 yia bilong indipendens.

Insait long maining taun bilong Tabubil, antap long Star Maunden, klostu long PNG Indonesia boda mak, ol i bin soim pasin na kastom long makim indipendens bonde bilong Papua Niugini.

Ol i bin holim wan wik festival bung ol i kolim Hamamas Selebresen.

Jemima Garrett, husat i bin stap insait long dispela ol bung na indipendens wiken, i salim ripot olsem ol pipel na maining kampani, Ok Tedi Mining Limitet, i bin soim stret kala, pasin tumbuna na amamas long 37 yia bilong indipendens.

I bin gat ol skul pikinini bilong Wangbin praimer skul, lain danis grup giong Tami ailan long Morobe Provins bilong Faiwolmin viles bilong Not Flai Riva wantaim tu, wanpela singsing grup bilong Wes Papua Provins bilong Indonesia.

Michael Haven, Prinsipal bilong Tabubil Intanesenel skul i tok ol



Daimon Jubili raun lukluk long Solomon Ailans

PRINS Wiliam, Duke of Cambridge (namel) na meri bilong em Catherine, Duchess of Cambridge i toktok long ol asples Solomon Ailans manmeri taim ol i go lukim wanpela Kalsarel Viles long Honiara long Mande dispela wok. Diuk na Dases i stap long Solomon Ailans olsem hap bilong royal raun bilong makim Daimon Jubili bilong Kwin Elizabeth. *POTO: AAP IMAGES*

skul pikinini i bin amamasim gut tru dispela festival.

Prins William na meri bilong en Catherine i bungim ol Pasifik yut

DISPELA bung, ol i kolim Komonwelt Pasifik Yut Lidasip na Integriti Konfrens, i kamap long Honiara long makim raun bilong tupela yangpela memba bilong Royal famili.

Long Sande, Solomon Ailans pipel i bin givim bikipela welkam long soim amamas bilong ol insait long wanpela pareid long kapitel Honiara.

Dispela i hap bilong wanpela lukluk raun i go long ol kantri bilong Esia Pasifik rijen long selebretim Daimon Jubili bilong Kwin bubu meri bilong Prins William.

Tupela yangpela marit i toktok long Komonwelt Pasifik Yut Lidasip na Integriti Konfrens long Honiara.

Rijenal Dairekta bilong Komonwelt Yut Progrem, Afu Billy i tok ol i amamas tru long bungim Duk na Dases insait long Solomon Ailans yet.

"Aste mi sanap long rot wantaim

ol manmeri i lukim ol i ron i go, na mi go long ailan kaikai aste nait na mi lukim ol gen,"em i tok.

Mis Billy i tok tru ol bai no stap longpela taim long Solomons, tasol em i bilip toktok bilong ol bai halivim ol yut long Pasifik.

"Taim bilong ol long dispela raun em i strongpela tru, olsem na mipela i gat samting olsem hap awa tasol long lukim ol i toktok long ol yangpela, na mipela i bilip ol i ken kamap olsem gutpela piksa bilong ol yangpela manmeri long Pasifik,"em i bin tok.

Nauru gavman bai lukautim sindaun bilong ol asailam sika

NARAPELA grup bilong ol asailam sika bai go long Nauru long pinis bilong dispela wik.

30 pipel, olgeta ol man bilong Sri Lanka, i stap nau long Nauru, bihainim namba wan transfe long Christmas Ailan long Fraide long wik i go pinis.

Moa asailam sika bai go long dispela wik, na ol i bilip bai ol i kisim ol meri na pikinini dispela taim tu.

Foren Minista bilong Nauru,

Kieran Keke, i tok, Nauru i bin wanbel long lukautim olgeta askim bilong ol asailam sika aninit long loa bilong ol yet, bikos ol i laik mekim moa long ol wok lukaut na menesim olgeta samting i kamap long kantri bilong ol yet.

Em i tok dispela i no bin stap aninit long Gavman bilong John Howard taim ol i salim ol asailam sika i go stap long ailan bilong en.

"I olsem i gat tupela lain i wok long mekim wok long wanpela graun, na dispela i no bin orait long ai bilong planti ol manmeri Nauru,"em i bin tok.

Kagua Erave eria i nogat bris bihainim bikipela haiwara long PNG Hailans

BIKPELA ren i bin hamarim Sauten Hailans provins long Papua Niugini long tupela wik samting.

Wantaim ren, bikipela haiwara i bi kapsait i go long planti hap, na bagarapim ol gaden kaikai, ol haus, na wanpela long ol bris em i save bungim Mendi taun.

I nogat yet klia piksa o stori long dispela bikipela ren haiwara long isten hap bilong Sauten Hailans,

tasol olsem Deputi Administreta Bravy Koonsong i tok, i gat bikipela halivim ol pipel i nidim long namel taim.

Ol Solomon Ailans meri i tok mani em i namba wan wari bilong ol nau

PLANTI famili i painim olsem bikipela wari bilong ol nau, em long we bai ol i mas kisim mani long lukautim famili bilong ol.

Dispela wari i no long Solomon Ailans tasol.

Raun long wol, ol papamama i save wok hat tru long painim mani long peim skul fi o baim marasin o baim kaikai.

I gat planti stori long we ol pipel husat i save painim hat long wok o i nogat wok o ol pua tru, o i sindaun turangu, tingting bilong lukautim famili i stap namba wan.

Insait long Solomon Ailans nau, ol meri i tok ol i painim olsem mani hevi i bikipela tru.

Dairekta bilong Vois bilong Meri long Honiara, Josephine Teakeni i tok i gat planti kainkain komitmen o wok olsem na nau, ol famili na planti arapela samting, em ol i nidim mani long en.

PacificBEAT

4. 5. 6am & 4pm. 5pm
including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.

37 Independens Anivesari Long Poto



Why pay 30% PLUS interest rates ?

TISA LOANS

"Designed especially for members financial needs. You can loan for a minimum of K200 to a maximum of K100,000 depending on your savings with an interest rate of 1% per month and repay over a maximum 36 month period."



SERVICE
with a
SMILE!

12% INTEREST
PER ANNUM

36 MONTH
REPAYMENT
PERIOD



watch
your savings
grow

Head Office

P.O. Box 319, Waigani, NCD

Level 1-2, Haus Tisa, Sir John Guise Drive & Kumul Ave

Papua New Guinea

Phone: (675) 325 7599 or 300 2200

Facsimile: (675) 325 7679

Email: marketing@tisa.org.pg

Website: www.tisa.org.pg



Not for Profit, Not for Charity, But for Service



WOL NIUS LONG POTO...



Australia Bale i mekim so long Swan Lake
AUSTRALIA Bale i mekim so bilong ol long wol premia bilong nupela prodaksen bilong ol long Swan Lake Tieta long Melbon, long Mande dispela wik.



Ol Saina i protes agensim Siapan
WANPELA paramiltari polis-man wantaim wanpela bikmaus i traim long daunim ol krosman-meri long namba 81 anivesari bilong makim taim Siapan i bin tekova long Saina long ples Chengdu, Sichuan provins.



Ol sipsip i sik
PLANTI tausen sipsip long Australia long wanpela fam long Bin Oaisim taun, sautwes long Karachi long Pakistan. Pakistan i tok long kilim bihain ol i painim wanpela binatang nogut i stap insait long bodi bilong ol pinis.



Suisait boma man makim kar long Kabul
OL opisal long Afganistan i sekim bun bilong wanpela kar i karim ol manmeri bilong arapela kantri, em wanpela suisait boma man i makim long Kabul long Tunde dispela wik.



Welpis i kusai
WANPELA meri i kisim poto long wanpela welpis taim em i brukim solwara long Byron Bay long Noten Nu Saut Wels long Australia, dispela wik.



NEM: Berthlyn Huaffe
KRISMAS: 16(Meri)
ADRES: Passam Primary School, P.O. Box 521, Wewak East Sepik Provins
SAVE LAIKIM: Harim musik, pilai soka, pilai volibol mekim pani, kisim wara, watsim TV na ritim Baibel.

NEM: Jimmy N. Nimms
KRISMAS: 19 (man)
ADRES: Kilipau village, P. O. Box 56, Vanimo Sandaun Provins
SAVE LAIKIM: Raitim pas, ritim buk, harim musik, ring long fon na senisim presen.

NEM: Rodney Wauku
KRISMAS: 25 (man)
ADRES: C/- Andrew Api Vanimo CIS, PO Box 124, Vanimo Sandaun Provins
SAVE LAIKIM: Harim musik, pilai soka, watsim TV, swiming na painim stori.

NEM: Jason Sull
KRISMAS: 40 (Man)
ADRES: P.O. Box 248, Madang - Madang Provins
SAVE LAIKIM: Ritim Niuspepa, harim musik, kukim kaikai, wasim klos, wokabout, trevol go kam long bisnis insait long PNG na painim poromeri long stap wantaim oltaim.
 Yu ken ring long dispela namba, 7272 2843.

NEM: Jimmy Ekoda
KRISMAS: 20 (man)
ADRES: Sangara Vocational School, P O Box 170, Popondetta, Oro Provins
SAVE LAIKIM: Go lotu, pilai soka, pilai volibal, painim wanpela meri long maritim na stap wantaim oltaim.

NEM: Joe .K
KRISMAS: 24 (man)
ADRES: P O Box 1289, Goroka, EHP - 7360 3650
SAVE LAIKIM: Go lotu, pilai musik singim song, pilai spots, mekim pren na planti moa.

NEM: Gima Target
KRISMAS: 20 (meri)
ADRES: Bugandi Secondary School, PO Box 1225, Lae Morobe Provins
SAVE LAIKIM: Go lotu, ridim Baibel, mekim pren wantaim ol lotu manmeri, pilai ragbi,volibol and watsim TV(News).

NEM: Presley Tai
KRISMAS: 20 (Man)
ADRES: PO Box 28, Mondomil Minj, Jiwaka Provins
SAVE LAIKIM: Go lotu, ritim Baibel, ritim buk, stadi skul wok, pilai ragbi, harim musik na mekim poroman wantaim arapela.

NEM: Belany Haikope
KRISMAS: 19
ADRES: Don Bosco Araimiri Secondary, PO Box 159, Kerema Gulf Provins
SAVE LAIKIM: Ritim buks, pilai gems, go lotu long Sande, mekim pani wantaim poroman.

NEM: Bunau Dadis
KRISMAS: 31 (man)
ADRES: Raibus Security Service Ltd, PO Box 1337, Madang, Madang Provins - 7146 7257
SAVE LAIKIM: Go danis, Lukim TV, harim musik na painim gutpela poromeri long stap wantaim oltaim.

Raun wantaim Kanage olgeta wik

Kanage go raun long palamen haus long nambawan taim bi-long em..Em lukim palamen haus na em amamas tru..Bihain liklik em go raun long raun wara we wara wok long sut kamaut na em wanbel stret long lukim kain stail bilong swiming pul. Baga go daun long wasim pes na kirap nogut long ol pis i swim i go long em. Em kirap na bikmaus wantaim na kalap i kamaut long wara..Em ting ol liklik pis em ol liklik sak bilong solwara....*Kanaka tu i orait!!!*



Sevis i no go long ol pipel long ples

Dia Laipain,
MI WANPELA yangpela man i gat 30 krismas na mi bin pinisim Gret 12 long wanpela Nesenel Hai skul long kantri 5-pela yia i go pinis.

Mi no bin laik painim wok o skruim skul bilong mi i go moa yet, tasol mi bin go bek long ples long helpim famili bilong mi long wok long graun bilong mipela.

Tru, ples bilong mi i stap long rurel eria longwe long taun, tasol mi amamas long mekim ol samting long ples na stap wantaim ol pipel bilong mi.

Wari mi gat long en em mi wok long harim planti toktok long daunim krait, HIV/AIDS na ol sevis i go long ples, na ol narapela i kam long gavman, ol NGO, ol sios na ol narapela stekholda. Long mekim dispela ol samitng, ol i save holim ol woksop ma konprens insait long ea kondisen hotel rum na risot olgeta yia.

Wari bilong mi em wanem taim bai ol ples i kisim ol sevis na tu, wanem taim ol bai holim ol kain konprens olsem long ples na pipel i ken go insait long ol?

Laipain, i luk olsem planti mauswara tumas na nogat kaikai bilong ol na bai yumi mekim olsem long narapela 34 krismas i kam? Nau yet, ol pipel i les na ol i wok long go turangu tasol.

CONCERNED YOUNG MAN

Dia Concerned Young Man,

Mipela i amamas olsem yu rait i kam long Laipain long serim wari bilong yu wantaim mipela long ol samting i ken kamapim gutpela samting o hevi long laip na sindaun bilong pipel long dispela kantri. Mipela i luksave olsem yu makim maus bilong ol lain long ples na tu long taun na yu autim dispela wari. Mipela i amamas long yu i go bek long ples long stap wantaim ol pipel na bungim ol hevi wantaim ol long ples longwe.

Pren, mipela i sapotim yu long wok yu mekim long ples na bilong yu long skruim i go moa yet. Mipela i luksave olsem em i no isi long husat i pinisim Gret 12 long go bek long ples na painim



samting long em i amamas long mekim. Yu no tokim mipela stret wanem samting yu mekim long ples, tasol i luk olsem yu amamas long samting yu mekim i stap.

Sapos yu stap amamas long ples, yu ting em i gutpela aidia long ol narapela skul liva i go bek long ples na helpim pipel bilong ol? Mipela i bilip em i taim nau long ol yangpela pipel long bihainim samting yu mekim long kamapim senis long ples.

Mipela i lukim daunim ol krait, HIV/AIDS na lukim olsem gutpela sevis i go long ples bai kamap sapos ol yangpela olsem yu i strongim tingting na i laik mekim ol samting bai wok gut long helpim pipel bilong yumi.

Mipela i ting olsem i moabeta sapos yu redi long rurel ples bilong yu na yu singaut long helpim, ol bai harim nek bilong yu long maunten i go long ol nambis ples na ol ailan. I moabeta yu askim ol gavman lain, ol stekhokda, ol NHO, na ol sios long kam na harim yu. Yu ken tokim ol tu long noken holim ol konprens na bung long ol motel, hotel na ol risot tasol raun i go long ol ples na toktok long pipel. Tokim ol long noken mauswara nating tasol putim mani long ol eria we ol i mas helpim long kamapim gutpela sevis na go toktok long ol pipel long ol rurel ples.

I gat tripela level bilong gavman i stap na em long 1- Nesenel, 2- Provinsel na 3-Lokol Level Gavman (Distrik) i mas kisim sevis i go long ples.

Yu kam stret aninit long kaunsela husat i makim pipel. Wok klostu wantaim em long kisim ol sevis i go long pipel. Nau gavman i wok long ples bilong 50 yia i kam bai wok long aninit level (bottoms up) i kam antap na yu ken serim ol aidia long wanem i gutpela long ol pipel na ol bai wok wantaim yu. Yu gat ol ilektet memba i gat ol EDF fan

bilong pipel na ol i givim aut dispela manimak i go long ol provins long mekim ol wok. Painimaut moa long dispela.

Pren, sapos ol i no kam long yu olsem, yu stretim wanpela delegesen o grup lon g lukim ol lain long atoriti long mekim samting. Laipain i save olsem sampela Palamen memba i mekim samting long kisim sevis i go long pipel bilong ol i go olgeta lon g ol rurel eria. Sapos sampela i mekim samting i kamap, watpo na ol narapela i no inap? Ating i moabeta long rausim ol dispela memba i no wokim samting long helpim pipel, yu ting olsem wanem?

Pren, mipela i bilip olsem yu mekim raitpela samting na i moabeta long serim dispela wantaim ol narapela yangpela pipel i bin skul na i gat save olsem yu.

Mipela i lukim olsem sapos nogat man i mekim samting, ol samting i no inap wok gut. Mipela i nilip olsem ol dispela i stap long atoriti i no wokim samting stret bai kisim taim wanpela de. Ritim Bik bilong Amos, Sapta 5 ves 11 "Yu bagarapim ol turangu lain na stilim ol kaikai bilong ol. Olsem na bai yu no inap stap long gutpela haus yu bildim o dringim wain long niauspela wain gaden yu bin planim."

Wanpela samtingnem, makim ol gutpela lida long taim bilong ileksen. Planti lida i no save bisi long ol ples lain na em i hat long save watpo pipel i save givim vot long ol. Yumi pipel tu i mas kisim kikkbek (blame) long givim vot long ol rong lida. i moabeta yu karimaut awenes long eria bilong yu na pipel i kem givim vot long ol lida i gat stretpela pasin.

Pren bilong yu- Laipain

Sapos yu gat wari o hevi, rait i kam long dispela etres: Lifeline Counselling Services, P O Box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu.

Laipain

TORO



BIABIA



KANAGE



TOKWIN

**Kala pulim ai tasol bilong ol
meri na pikinini**

KALA em nais stret na bai pulim ai bilong planti pablik long rot, tasol dispela ol bas em 5-pela tasol NCDC na Gavana Parkop i kisim long helpim pablik trenspot long siti.

Planti man bai resis long dispela bas taim em ron long rot, tasol gavana Parkop i givim dispela 3-pela bas i go bilong helpim ol meri na pikinini insait long siti.

Askim bai yumi askim em, dis-
pela 3-pela bas bilong ol meri na
pikinini bai savis ol longpela taim o
bai sotpela taim tasol na ol man
bai strong gen na resis long
rausim ol mama na pikinini.

Sikiriti bilong dispela ol bas mas



strong long stopim ol dispela man
husat i laik kalap na tanim ol olsem
meri.

Tenkyu gavana Parkop long luk-

save bilong yu, olsem na trutru yu tu em eksen gavana bilong NCDC, wanbel stap.

Tokwin tasol.

[illegible]

Painim ol dispela toktok bilong ron long balus:

BALUS	AIR NIUGINI	AIRLINES PNG	MAF
ISLANDS NATIONALAIR	PLES BALUS	KAGO	TI
KOPI	JIUS	BISKET	SIA LET
SIA	TIKET	SEKIN	SEKYURITI
LA IP JAKET	EA HOSTES	PAILOT	SUTKES

2		4	9	6		1		5
	3			8				
	8	1				4	9	
7			1	4			3	9
		3		9		2		
9	6			3	2			1
	2	7				3	6	
				7			1	
3		6		1	4	8		

2	7	4	9	6	3	1	8	5
5	3	9	4	8	1	7	2	6
6	8	1	5	2	7	4	9	3
7	5	2	1	4	8	6	3	9
4	1	3	6	9	5	2	7	8
9	6	8	7	3	2	5	4	1
1	2	7	8	5	9	3	6	4
8	4	5	3	7	6	9	1	2
3	9	6	2	1	4	8	5	7

**Ansa
bilang
las wik
Sudoku**

T	A	R	A	6	A	U	B	I	L	O	N	6	N	A	I	T
				S												
K					E				K	U	M	U	L			P
A				K	A	L	A	N	6	A	R				I	
K							A							S		
A				K	O	K	O	M	O			S	I			K
R					T						A	N			K	
6	U	R	I	A		A				R					A	O
K							R		6						V	I
							A				P	I	P		I	
			P	A	T	O	L		6		B			V		
I				O		E				A		A		I		B
A					P							U	L			U
N			T		T			K	A	K	A	T	U			K
A	O											S				A
K			A													
W				S	U	B	6	N	O	L	I	B	L	U	A	P

**Ansa
bilang
las wik
Pasol**

EMTV Television Guide

[illegible]

**Program bai
senis long taim
bilong en..**

PNG ikonomi groa, winim ol arapela Pasifik kantri

Aja Alex Potabe i raitim

IKONOMI bilong PNG em i groa gut long gutpela mak taim ol arapela biknem kantri insait long Yurop i kisim bikpela taim long dispela bikpela fainasal birua i kamap long hap.

Sif Ikonomis bilong ANZ Benk insait long Asia Pasifik Rijen, Dokta Paul Gruenwald, i tok insait long Pasifik Rijen, PNG tasol em i

bikpela kantri wantaim gutpela groa long ikonomi, bikos dispela bikpela fainasal birua i no bin bagarapim yumi.

Fiji em i narapela kantri i stap baksait long PNG tasol ikonomi bilong yumi i wok long groa hariap tru bikos long dispela bikpela multi-bilian-kina PNG LNG Projek.

"Fiji nogat ol bikpela maining na petrolum projek. Ol i wok long strongim ikonomi bilong ol long



Ol nupela samting i wok long kamap long Mosbi i soim groa bilong ikonomi long kantri. Poto i soim nupela Kingfisher Apatmen na Yot Klab long Habour Siti, Mosbi. *Poto: Aja Alex Potabe*

suga, turisim, na ol agrikalsa samting tasol," Dokta Gruenwald i tok.

Em i tokim ol sumatin bilong UPNG las wik Trinde long wanpela pablik lekisa long UPNG, we vais sensela Profesa Ross Hynes i bin holim.

Dokta Gruenwald i tok taim ol dispela konstraksen wok long ol gol na ges projek i pinis, ikonomi bai groa isi-isi liklik bikos sampela wok manmeri bai lusim wok dispela taim.

Em i tok Skantri Saina em nau kamap biknem kantri long sait bilong ikonomik pawa, na dispela poroman bilong PNG na Saina i ken mekim PNG tu kamap wanpela strongpela ikonomik pawahaus insait long Pasifik rijen.

"Saina i operetim wanpela wolklas nikel na kobalt maining long PNG nau. Wanpela bikpela kampani bilong en bai baim LNG long yia 2014.

"Nau EXIM Benk bilong Saina i laik givim bikpela dinau mani long PNG gavman long kirapim Hailans Haiwe, na ol arapela samting.

"Dispela i strongim Saina-PNG poroman na PNG i ken lainim planti gutpela samting long Saina long kamap wanpela strongpela kantri long sait bilong ikonomi," Dokta Gruenwald i tok.

SEIVIM MONI LONG FLAI LONG SEPTEMBER

Port Moresby	→	Brisbane	K 409
Brisbane	→	Port Moresby	K 429
Port Moresby	↔	Lae	K 209
Port Moresby	↔	Popondetta	K 179
Port Moresby	↔	Alotau	K 239
Port Moresby	↔	Mt. Hagen	K 279
Lae	↔	Goroka	K 99
Wewak	↔	Mt. Hagen	K 189
Kokopo	↔	Kimbe	K 159

Prais bilong baim balus em bungim olgeta takis na GST.

Peim na bukim tiket long Wild Class na long ron bilong balus namel long 23rd September igo inap long 30th November 2012.

Taim bilong salim tiket em Wednesday 12th September 2012 igo inap long Sunday 23rd September 2012.

Sia bilong balus isot nau

Ringim **16111** (long digicel fon) or visitim websait **www.apng.com**

PORT MORESBY - Level 1, Pacific Place, 321 3400
MT. HAGEN - Central Highlands Printers, 542 0662
- Kagamuga Airport, 542 2732
LAE - Micro Bank Haus, Fifth Street, 479 5980
POPONDETTA - Top Town (opp. Memorial Park), 629 7638
ALOTAU - Preston White Street, 641 1288
GOROKA - Airport, 532 2532
TABUBIL - Airport, 649 9171
KIUNGA - Airport, 649 1125
MADANG - Global Travel, 422 0011
KIMBE - Travel Line Ltd, 983 4099
RABAUL - Rabaul Hotel, 982 1999

Airlines PNG

COME FLY OUR WAY

MULLG nogat kontrol long mani em kisim long maketMadang taun pulap long rabis

MADANG Eben Lokal Level Gavman (MULLG) i nogat kontrol na i paul long kontrolim wanem kain ol wok bisnis i kamap long Madang taun, na tu em i nogat rekot bilong husat ol lain i gat laisens bilong wokim bisnis insait long taun.

Dispela samting i lukim MULLG i no kisim inap mani long ol laisens bilong ol bisnis long taun na reveniu bilong en i daunbilo tru.

Pastaim presiden bilong Madang Sembov Komes na Industri (MCCI), Stotick Kamya i tokaut long dispela i no long taim i go pinis bilong long wanpela odit o wok painimaut i go insait long rekot bilong mani MULLG i save kamapim.

Dispela odit ripot i tokaut tu olsem i gat sampela samting i no stret tumas na dispela i sut long fainasal rekot bilong ol buk bilong MULLG.

Odit ripot ya i tok tu olsem ol tiket buk bilong maket bihain long ol i kisim mani long lain i go salim kaikai i no go stret long MULLG ofis na planti ol mani bilong geit fi bilong maket i go paol nabaut.

Wanpela mama bi-

long Bugati eria long Astrolabe Be eria, Angela Bunag, i tok olsem wanpela kain wok painimaut i mas kamap long dispela ol paul pasin i kamap long mani bilong geit bilong Madang taun maket.

"Ol geit fi mipela i save baim long go salim kaikai bilong mipela oltaim i go we na nogat gutpela senis i kamap long maket ples long Madang. Sampela long mipela i save sindaun yet long graun na salim kaikai," Angela i tok.

Moa long en tu, planti ol lain husat i stap long Madang taun i no amamas bikos taun eria i wok long go bagarap na nogat lain i stretim ol samting we i bagarap. Ol eria olsem pablik matmat long taun, Se Donald Cleland Pak long taun na tu ol arapela eria o fil i doti stret na nogat wok i kamap long stretim.

Sampela ol pablik yutiliti o samting we i stap aninit long lukaut bilong MULLG i wok long go bagarap na nogat meintenens i kamap long ol. Sampela ol pilai graun o fil long Madang tu em gras i gro na tu ol samting bilong MULLG i go bagarap.

Dispela intenal odit ripot i soim tu olsem ol rekot bilong MULLG em nogat gutpela sekap i save kamap long hamas kes mani ol i kisim long kes ofis o long kaunsil ofis.

Narapela samting dispela intenol odit ripot i soim em ol treding fis bilong ol kampani insait long Madang taun em rekot bilong ol i no stret.

Rejista em dispela we i save rekotim ol nem blong ol lain husat i gat laisens, wanem kain bisnis tru ol i mekim na deit o taim laisens bilong ol bai pinis, deit bilong ol i kisim nupela laisens gen na ol arapela infomesen we i stori long wanem bisnis wok bilong ol.

Dispela odit ripot i tok tu olsem i nogat stretpela pepa o evidens i stat long soim olsem olgeta bisnis long Madang taun em i gat kontrol long en o i bihainim lo stret.

Taim kain samting i stap, em i soim olsem ino gat kontrol o proses i stat long soim olsem i gat rot long kisim na stretim gen ol bisnis laisens na mekim ol i kamap gut.

Pasifik sif inspekta bilong mains konferens kamap long Madang

James Kila i raitim

PAPUA Niugini long namba wan taim tru i bin holim kamap Konferens bilong ol Sif Inspektas bilong Mains (CCIM) bilong Saut Pasifik.

Dispela bikipela konferens bilong ol lain husat i save sekim na givim tok-orait long main projek i go het i kamap long Madang Risot Hotel long Madang taun, na i stat long Septemba 13 na pinis long asta Septemba 19.

PNG Sif Inspektas ov Mains, Mohan Singh, i tok olsem dispela konferens long PNG i makim namba 54 anivesari bilong Konfrens bilong Sif Inspektas ov Mains (CCIM) na bai putim nem bilong PNG i go antap long narapela level long sait bilong maining indastri.

Mista Singh i tok ol dispela Sif Mains Inspektas ov Mains i kam long olgeta Stet na Teritori bilong Australia na Nu Silan na tu i gat lain i makim Komon Welt long Canberra, Australia.

Nem bilong ol dispela delegesen memba husat i bin go stap insait long konfrens long Madang em Simon Ridge (CIM Westen Australia), Dave Pettet (CIM Nu Silan), Keith Poritt (CIM Komon Welt ov Australia), Andrew Chaplyn (CIM Westen Australia), Rob O'Sullivan (CIM Kwinslen), Peter Wangitt (CIM Noten Teritori na John Mitas (CIM Victoria).

Ekting Menesing Dairekta bilong

Mineral Risos Atoriti (MRA), Philip Samar, i tokaut stret olsem Konferens bilong Sif Inspektas ov Mains (CCIM) em wanpela bikipela bodi wantaim we ol reguletas o lain bilong glasim na givim tok-orait long wok bilong maining insait long Saut Pasifik rijon. Na sampela long ol bikipela wok bilong em em long lukluk moa i go insait long wok bilong gutpela okupesinal helt na sefti bilong ol wok manmeri insait long maining indastri.

Mista Samar i tok olsem dispela ogenaísesen CCIM i kamap moa long 50 yia i go pinis, na insait long dispela taim PNG i bin stap olsem wanpela 'obseva' tasol o save lukluk tasol long miting bilong ol CCIM. Tasol hatwok na gutpela wok bilong Sif Inspekta ov Mains bilong PNG, Mohan Singh i mekim PNG i kamap 'ful memba' long mun Ogas long las yia.

Dispela delegesen bilong CCIM pastaim long konferens i bin mekim lukluk raun i go long Lihir Gol Main long Nu Ailan na tu i bin mekim raun i go lukim Ramu NiCo main long Kurumbukari na bihain ol i flai long helikopta i go long Basamuk we bikipela rifaineri bilong kampani i stap long en.

Wanpela bikipela welkam kaikai i bin kamap long Mosbi long las wik we i lukim Minista long Mining, Byron Chan tu i bin stap long tok welkam long ol dispela delegesen bilong CCIM i kam long PNG.



Ol Sif Inspekta bilong Mains long Australia na Nu Silan i lukluk raun long Ramu NiCo Projek plent long Kurumbukari. Poto: JAMES KILA



BNGTreding i kamapim wanpela nupela kain stail Aven bilong helpim ol lain long ples.

Dispela Aven em yu ken rausim na karim go long wanem hap yu laikim, na bihain yu gen putim ol pat bilong em go bek na yu ken bekim ol skon o bret

bilong yu long en.

Dispela nupela Aven em bilong paia, yu bai putum aninit na hot bilong paia tasol bai mekim olgeta wok nay u bai no inap long hat wok moa.

BNG treding i kamap dispela aven long wanem ol lukim hat wok ol lain

long ples save kisim long sait bilong bekim skon na bret. Dispela Aven nau stap long salim na i kam long 6-pela hap. BNG lain yet bai soim yu long putim olgeta go wantaim.

Poto Stori Nicky Bernard

TUPELA EM PLANTI TUMAS!

DAUNIM NAMBA BILONG OL LAIN YU SAVE SILIP RAUN WANTAIM IGO LONG WANPELA



Ol lain yu save silip raun wantaim bai igat ol narapela lain ol save silip raun wantaim tu - Sapos wanpela bilong ol bin igat HIV, yu bai igat bikipela sans long kisim HIV.

Daunim namba bilong ol lain yu save silip raun wantaim igo long wanpela tasol, emi nambawan rot long

BANISIM WANEM SANTING YU LAIKIM STRET.



Learn more at:
www.facebook.com/protectwhatyoulovepng



Australian
AID

fhi360



Ramu NiCo soim CCIM wok long KBK na Basamuk

RAMU NiCo i bin amamas long soim welkam i go long ol lain memba bilong Konferens ov Sif Mains Inspektas (CCIM) taim ol i mekim lukluk raun bilong ol i go long Ramu NiCo main plent long Kurumbukari na long Basamuk rifaineri

Dispela lukluk raun bilong ol memba bilong CCIM i kamap long Sarere Septemba 15.

Sampela memba bilong CCIM i bin flai long helikopta i go antap long Kurumbukari maunten we Ramu NiCo i gat main we ol i save kisim ol nikel na kobalt long graun na tu em i gat ol bikipela plent long redim ol dispela samting long ron bihainim 135 kilomita paipain i go daun long Basamuk, we rifaineri bilong em i stap long hap.

Taim ol i go kamap long KBK, ol i bungim Main Menesa wantaim ol sinia menesmen bilong KBK Mains na bihain ol i go insait long miting rum bilong KBK we ol i harim sampela toktok long vidio we i stori long histori bilong Ramu NiCo.

Bihain long dispela narapela presentesen i bin kamap long wanem rot bilong Golden Rul bilong Sefti long Ramu NiCo Projek.

Dispela vidio presentesen i soim wanem Ramu NiCo bai i wokim kamap na tu ol riha-bilitesen bilong em long taim main operesen i go yet na bihain long ol i kisim mineral long graun.

Lukluk raun bilong ol long KBK long Sarere i lukim ol lain delegesen i go lukim mobail ik-wipmen plent na bihain ol i go lukim Kromait Seperesen Plent bilong Ramu NiCo. Bihain ol lain delegesen i go lukluk raun insait long Pawa Plent bilong KBK Main.

Ol lain CCIM delegesen memba i amamas long lukim kain bikipela developmen Ramu NiCo i go pas long kamapim na ol i mangalim sampela ol wok operesen na masin Ramu NiCo i yusim.

Ol dispela lain CCIM delegesen bihain i kalap long helikopta na flai go olsem long Basamuk we bikipela rifaineri bilong Ramu NiCo i stap long en.

Papua Niugini long namba wan taim tru i bin holim kamap Konferens bilong ol Sif Inspektas bilong Mains (CCIM) bilong Saut Pasifik na Madang Provis is gat gutpla sans long holim displa kibung.

CCIM em ol bikipela lain husat i gat pawa na i save sekim na givim tok-orait long main projek i go het taim olgeta samting i stret.

Ol dispela lain CCIM o Sif Main Inspekta i ken stopim wanpela main operesen long go het sapos ol i lukim olsem sefti o helt bilong ol wokman meri i no seif long wok ples.

Miting bilong ol i i kamap long Madang Risot Hotel long Madang taun, na i stat long Septemba 13 na pinis long Septemba 19.

PNG Sif Inspektas ov Mains, Mohan Singh, i tok olsem dispela konferens long PNG i makim 54th anivesari bilong Konfrens bilong Sif Inspektas ov Mains (CCIM) na bai putim nem bilong PNG i go antap long narapela level long sait bilong maining indastri.

Mista Singh i tok ol dispela Sif Mains Inspektas ov Mains i kam long olgeta Stet na Teritori bilong Australia na Nu Silan na tu i gat lain i makim Komon Welt long Canberra, Australia.

Nem bilong ol dispela delegesen memba husat i bin go stap insait long konfrens long

Madang em Simon Ridge (CIM Westen Australia), Dave Pettet (CIM Nu Silan), Keith Poritt (CIM Komon Welt ov Australia), Andrew Chaplyn (CIM Westen Australia), Rob O'Sullivan (CIM Kwinslen), Peter Wangitt (CIM Noten Teritori na John Mitas (CIM Victoria).

Eking Menesing Dairekta bilong Mineral Risos Atoriti (MRA), Philip Samar i tokaut stret olsem Konferens bilong Sif Inspektas ov Mains (CCIM) em wanpela bikipela bodi antap we ol reguletas o lain bilong glasim na givim tok-orait long wok bilong maining insait long Saut Pasifik rijon. Na sampela long ol bikipela wok bilong em em long lukluk moa i go insait long wok bilong gutpela okupesinol helt na sefti bilong ol wok manmeri insait long maining indastri.

Mista Samar i tok olsem dispela ogena-esen CCIM i kamap moa long 50 yia i go pinis, na insait long dispela taim PNG i bin stap olsem wanpela 'obseva' tasol o save lukluk tasol long miting bilong ol CCIM. Tasol hatwok na gutpela wok bilong Sif Inspekta ov Mains bilong PNG, Mohan Singh i mekim PNG i kamap 'ful memba' long mun Ogas long las yia.

Dispela delegesen bilong CCIM pastaim long konferens i bin mekim lukluk raun i go long Lihir Gol Main long Nu Ailans na tu i bin mekim raun i go lukim Ramu NiCo main long Kurumbukari na bihain ol i flai long helikopta i go long Basamuk we bikipela rifaineri bilong kampani i stap long en.

Wanpela bikipela welkam kaikai i bin kamap long Mosbi long las wik we i lukim Minista long Mining, Byron Chan tu i bin stap long tok welkam long ol dispela delegesen bilong CCIM i kam long PNG.



Ol Milne Bei sumatin long Diwain Wud Univesiti I soim stail singsing na bihain ol kisim piksa wantaim long Jaia Aben Resot.



Singsing grup bilong asples Rivo long Madang i singsing na bringim ol delegation long Jaia Aben Resot.



PNG Sif Inspekta ov Mains, Mohan Singh i bringim ol lain CCIM delegesen i go bungim ol Ramu NiCo menesmen tim bilong KBK.



Ol memba bilong CCIM bilong Australia na Nu Silan i sanap wantaim ol Ramu NiCo sinia menesmen tim long KBK.

Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisinim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen long namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamuk rifaineri i pinis, na projek i stap redi long kisim komisin o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 bilian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipain)

**Wanpela
Ramu NiCo,
Wanpela
Komuniti**

Mt Kare papagraun mas wokbung aninit long Hetapula

PNG i gat planti maining na petrolium projek i kamap nau long dispela taim. Kainkain projek i wok long kamap, na Maun Kare gol projek em i wanpela bilong ol dispela projek bai kamap long kantri i no long taim tasol.

Long gutpela bilong Mt Kare projek, gavman i noken givim baksait long Hetapula Asosiesen, wanpela namba wan hausman bilong ol trutru papagraun bilong dispela projek.

Siaman bilong Hetapula, Bernard Paro Agiru, i tok Hetapula em i wanpela biknem asosiesen ol foapela papagraun klen i fomim long taim pinis taim aluvial gol projek i bin stat long yia 1988, na dispela hausman i no dai yet.

"Hetapula i no dai yet. Gavman i bin luksave long en pinis bikos long yia 1988, dispela asosiesen i bin gat join vensa bisnis wantaim CRA, bikipela kampani husta i bin operetim Mt Kare Aluvial Maining dispela taim.

"Nau mi askim olgeta man, husat i wok long fomim ol kainkain kampani na asosiesen long strongim sait olsem ol tu i trutru papagraun, long stopim dispela olgeta saming ol i mekim, na kam soim sapot aninit long Hetapula tasol. Bikos gavman, nainit long MRA i luksave long Hetapula long taim pinis, na nogut yupela i westim taim bilong yupela

yet," Agiru i tok.

Hetapula i gat ol bisnis samting bilong en i stap. Bipo taim ol wok bilong aluvial maining projek long Maun Kare i bin stat long yia 1988 taim bikipela gol ras i bin kamap long hap, Hetapula i bin kamapim wanpela 50:50 join vensa kampani wantaim CRA ol i kolim Mt Kare Alluvial Maining Limited (MKAM).

Agiru i tok ol bisnis samting bilong dispela kampani i stap yet, na ol i bai kirapim Hetapula long go pas long olgeta toktok bilong sainim agrimen, kisim divelopa i kam insait, na ol benefit sering agrimen.

"Gavman i mas larim Hetapula long go pas long dispela olgeta samting bikos em i no wanpela giaman kampani. Hetapula i groa wantaim Mt Kare na em i save long olgeta samting bilong dispela maining projek," Agiru i tok.

Summit Development Corp, husat i wanpela haus bisnis bilong IndoChine Mines, i laik opim dispela bikipela wol-klas gol na silva maining.

Tasol nau kampani na gavman i hat long hariap tru kirapim gen dispela bikipela projek bikos dispela projek bai kamap long bota bilong Hela na Enga Provins, we planti kainkain papagraun i laik strongim sait olsem ol i tru tru papagraun bilong dispela projek.



ALUVIAL MAINING...Poto i soim ol liklik aluvial maina i was long gol arere long Wara Watut long Bulolo, Morobe Provins. Long Mt Kare, nau yet ol manmeri i wok long mekim dispela kain ol liklik aluvial maining wok, we ol i save mekim moa mani tru, bikos kwaliti bilong gol em i antap tumas. Poto: MMJV Media Relations



NUPELA LUKLUK WANTAIM NUPELA YUNIFOM: Long amamasim 37 yia bilong PNG i kisim Indipendens, ol wok manmeri bilong Nesenel Agrikalsa Kwarantinspeksen Atoriti o NAQIA i putim nupela yunifom bilong ol. Dispela stail yunifom em ol lain long admin bai putim na ol lain save wok autsait ol tu gat stail yunifom bilong ol.

Dispela nupela yunifom olgeta wok manmeri bilong NAQIA long olgeta hap long PNG bai kisim dispela ol nupela yunifom long mekim gut wok bilong ol na karim nem bilong NAQIA.

Poto i soim ol wok manmeri bilong adim long het kota long Mosbi i sanap wantaim bik bos bilong ol long soim nupela yunifom.

Poto Stori Nicky Bernard

Selebretim Indipendens long gaden...

TAIM Papua Niugini i selebretim independens, Mathew Yakai, Pablik Rilesen Opisa (PRO) bilong Ramu NiCo i selebretim independens bilong en long gaden long Usino, Madang. Em i gat bikipela bilip olsem maski kantri i 37-pela krismas pinis, nogat wanpla gutpela samting i kamap. Olsem na em i gat bikipela bilip olsem em i moa beta ol pipel bilong kantri i mas go bek long gaden bilong ol na tingting long wanwan laip bilong ol yet. Ol i mas gat gutpela kaikai na abus long kaikai, na maski tingting olsem gavman bai givim ol gutpela samting we tru tru i no bin kamap insait long las 37 yia. Mathew i sanap long wanpela bikipela taro gaden bilong en long las wik Sande Septemba 16 we em i stat long planim taro.



Stail gem bilong stik na bal



Save Long Gem

wantaim
ANDREW MOLEN

GAT planti kain spot we ol i save pilai wantaim stik na bal tasol i no olgeta i olsem hoki (hockey).

Planti ol arapela spot we o i save pilai wantaim stik na bal i save wanpela o tupela pilaia tasol i sanap redi long paitim bal wantaim stik na ron na ol arapela i save sanap na was.

Tasol long hoki, tupela tim wantaim 11-pela pilaia long wanwan sait i save resis long kisim bal wantaim ol hoki stik bilong ol.

Dispela i save mekim gem i ron spit tru na ol pilaia i save kamapim bikpela save na planti stail long ronim bal wantaim ol stik bilong ol.

I gat ol loa we ol pilaia i save bihainim long abrusim birua na bagarap long bodi bilong ol bilong wanem ol bal na stik ol i save yusim long pilai, i strong tru.

Ol i ken kisim bagarap tu taim ol i pundaun long graun.

Em i spot we i spit tru na sapos yu nupela pilaia, bai yu paol liklik long ol stail na we bilong pilai.

Histri bilong gem

I gat planti kain gem olsem hoki save kamap bipo tasol wanpela we i stap na i kamap strong olsem hoki long nau, i stat long 19 sensri (1800's) long Inglen (England).

Sampela long ol dispela arapela gem olsem hoki long bipo em heling (hurling) we i kam long Ailan (Ireland) na sinti (shinty) bilong Skotlen (Scotland) we bin kamap long 1272 BC long Ailan, Beikou we ol i pilai long Saina 1000 yia bipo long hoki kamap Chueca we ol asples India bilong Sili (Chile) i bin pilai long 16 sensri (1500's).

Tasol luksave bilong hoki gem tru i bin kamap long 1853 we ol sumatin i save pilai long ol skul long Inglen.

Dispela ol skul gem i mekim na hoki go bikpela na planti moa manmeri long dispela taim i save long en.

Tasol stail bilong pilai stret i no wankain tumas olsem hoki long tete inap ol lain long ol kriket klap long Middlesex, hapsait long London i skelim na kamapim stret stail bilong pilai hoki tru olsem yumi save long en tete.

Klap long hap we i go pas stret long kamapim em Teddington hoki klap.

Ol memba bilong dispela klap i bin painim wanpela rot long ekseais long taim bilong ais na kol o winta (winter), tasol ol i no bin laik long pilai soka na i laik traim narapela gem.

Long 1871, taim ol i bin stap na pilai long Bushy Park pilai graun, ol i traim wanpela spot we i bihainim stail bilong soka tasol ol i yusim stik na bal.

Long dispela taim, ol i bin yusim kriket pilai graun na wanpela kriket bal long pilai.

Ol i mekim dispela i go na long 1874, ol i stat long raitim ol loa na rot bilong bihainim na pilai dispela gem.



Wanpela long ol dispela loa em long noken apim stik i go antap abrusim solda bilong yu taim yu laik paitim bal a tu yu ken skoa tasol taim yu stap insait long raunpela mak long ai bilong ol gol pos.

Ol i kamapim wanpela asosiesen long 1875 tasol 7-pela yia bihain em i bruk.

Long 1886, 7-pela klap insait long London na sampela pes man bilong Trinity kolis long Cambridge i bung wantaim na kamapim Hoki Asosiesen.

Hoki bilong ol meri tu i kamap long em yet, em i stat namel long ol yunivesiti na skul bipo

PILAI RAUN: Ol posisen na mak bilong hoki pilai graun.



KARAMAP: Ol hoki goli save werim planti karamap long lukautim gut bodi bilong ol.

namba wan klap bilong ol meri, Molesey hoki klap, i kamap long 1887.

Hoki bin kamap namba wan taim tru long Olimpik Gems long London long 1908 we Inglen, Aila na Skotlen tasol i bin resis insait long en.

Long 1928, ol i kisim hoki go insait long Olimpik long Amsterdam olsem wanpela ful-taim Olimpik spot.

Loa na stail bilong pilai

Astinging bilong Hokim em i olsemm soka tasol ol i save pilai wantaim stik nab al.

I gat 11-pela pilaia long wanwan tim na olgeta pilaia i mas i gat stik bilong paitim na ronim bal i go kam long traim na skoa.

Gol pos bilong hoki olsem soka tasol i hap liklik.

Olgeta pilaia i mas werim karamap long lek bun bilong ol na tu mas i gat gutpela su bai ol

i noken wel na pudaun.

Taim ol i paitim bal, em i noken kalap i go antap abrusim mak bilong skru na antap.

Ol i noken apim stik bilong ol tu i go antap abrusim solda bilong ol taim ol i laik paitim bal.

Goli bilong tim tasol i ken paitim, kikum o yusim ol arapela hap bilong bodi bilong em long pasim bal i go insait long gol.

Em tasol i save werim planti bikpela na strongpela karamap long helpim em i pasim dispela strongpela hoki bal.

Wanpela gol em wan poin na gem i save kamap insait long wanpela pilai graun we i luk olsem bilong soka tasol i hap liklik.

Hoki long PNG

Hoki em i wanpela spot long PNG we i save kamap strong namel long ol manmeri bilong Niugini Ailan. Bikpela namba bilong ol i save kam long Manus provins.

Em i spot we i ken kamap bikpela moa sapos i gat moa wok aweanes long skulim ol manmeri na tu soim planti moa yangpela long pilai.

Olsem ol arapela spot, em save kos mani tu long baim ol samting bilong pilai na hoki gat planti bikpela samting we yu mas baim bilong yu yet long pilai.

Sampela long dispela ol samting ems u, karamap bilong lek, maus na stik bilong pilai.

Em i wanpela spot we ol i senisim pilai graun i go kamap raba tasol em bai kos bikpela mani tru long mekim dispel kain pilai graun.

I no isi tu long painim ples bilong trening olsem na wok bilong mekim dispela spot i kamap ples klia long olgeta manmeri bai hat.

Tasol em i ken kamap yet sapos i gat planti moa gutpela sapot i kam long ol gavman, spona, ol olupela pilaia na ofisol na tu ol manmeri.



PAIT 1: Tupela lapun soim ol yangpela long wei bilong boksing.



PAIT 2: Tupela profesinal boksa traim bun bilong tupela long redi long bikpela boksing kompetisen bai kam long mun i kam wantaim ol ovasis boksa.



PNG KUMULS: Ol Telikom PNG Kumuls pilaia i sainim ol sampela samting bilong Telikom long givim aut long Sande long taim bilong bikpela pilai namel long ol na Australia Kangaroos.



RAGBI TAS: Koperet miks tas pilai kam long Se John Gais stedium lukim TNT wantaim Action Mobil, tupela tim wantaim dro 6-6.



TRUPELA HELA: Tupela Hela man husat bai traim long karim nem bilong nupela provins bilong ol long sait bilong boksing na Kik boksing.

TOKSAVE: Salim ol spots dro bilong yu kam long Feks; 325 2579, e-mel;nbernard@wantok.com.pg o kam lusim long Wantok Niuspepa opis long Central Waigani, NCD.



SPOTS DRO

Priliminari Fainol Dro

Fraide, Septemba 21 – 7.45pm

AAMI Park



Melbourne Storm

Billy Slater Sisa Waqa, Dane Nielsen, Will Chambers, Justin O'Neill, Gareth Widdop, Cooper Cronk, Jessie Bromwich, Cameron Smith, Bryan Norrie, Sika Manu, Ryan Hoffman, Ryan Hinchcliffe. *Intasenis:* Todd Lowrie, Jason Ryles, Jaiman Lowe, Kevin Procter, Rory Kost-jasyn, Mahe Fonua, Richie Fa'aoso



Manly Sea Eagles

Brett Stewart, Jorge Taufua, Steve Matai, Jamie Lyon, Dean Whare, Kieran Foran, Daly Cherry-Evans, Jason King, Matt Ballin, Brent Kite, Anthony Watmough, Tony Williams, Glenn Stewart. *Intasenis:* Jamie Buhner, Joe Galuvao, Darcy Lussick, Vic Mauro, George Rose

Sarere, Septemba 22 – 7.45pm

ANZ Stadium



Canterbury Bankstown Bulldogs

Ben Barba, Sam Perrett, Josh Morris, Krisnan Inu, Jonathan Wright, Josh Reynolds, Kris Keating, Aiden Tolman, Michael Ennis, Sam Kasiano, Frank Pritchard, Josh Jackson, Greg Eastwood. *Intasenis:* James Graham, Dale Finucane, Corey Payne, David Stagg, Dene Halatau



South Sydney Rabbitohs

Greg Inglis, Nathan Merritt, Chris McQueen, Dylan Farrell, Andrew Everingham, John Sutton, Adam Reynolds, Luke Burgess, Issac Luke, Roy Asotasi, Sam Burgess, David Taylor, Michael Crocker. Interchange (from): Nathan Peats, David Tyrrell, Eddy Pettybourne, Ben Lowe, Justin Hunt, Jason Clark

Matai bai no inap senisim paia lait pilai stail bilong em

KAIN paia lait pilai bilong em i bin lukim Steve Matai i abrusim 21 gem bilong Manly bihain long em i pilai namba wan taim bilong klab long 2005, tasol ol tim-met bilong em i no laikim em i senisim kain pilai bilong em. Las wik Fraide, Matai i no pilai taim ol i daunim Not Kwinslen. Em i bin kisim wanpela gem tambu bihain long em i mekim hai takol long Sam Perrett bilong Bulldogs long namba wan wik bi-

long fainols.

Matai i bin askim ol tim-met bilong em pinis sapos kain pilai bilong em i wok long bagarapim ol gem bilong ol.

Tasol kosa tim bilong Manly i tok em i noken senisim kain pilai bilong em.

Bek-rowa bilong Sea Eagles, Anthony Watmough i tok strongpela difens bilong Matai em i bikipela hap bilong tim, na em i tok Matai bai no inap senisim pilai bilong em.

Husat ol strongman bilong ol?

Storm VS Sea Eagles

MELBOURNE Storm na Manly Sea Eagles em ol long taim birua, we ol i bin bung long planti ol fainol long NRL.

Ol i no laikim ol yet, tasol strong bilong tupela i stap long luksave ol i gat long ol yet.

Long olgeta kona bilong fil, Manly na Melbon i sanap skwe long kain kain ol liklik pait resis we i soim tru tru strong bilong ragbi lig, na dispela tupela tim.

Em i isi long luksave long ol strong man bilong ol, tasol hevi i stap long stopim ol.

Dispela sisen, ol i soim pinis strong bilong ol, na olgeta arapela tim i luksave.



Brett Stewart na Billy Slater

Slater i gat nem olsem wanpela long ol namba wan fulbek long histori bilong gem. I no long taim i go pinis, em i bin resis wantaim Stewart long fulbek posisen long Australia tim. Husat i save wanem kain pait resis bai kamap sapos Stewart i no bin gat bagarap, na i bin inap long pilai tu. Tupela fulbek wantaim i save holim ol tim bilong ol. Ol i save moa long skorim trai, na ol difens i save pret long ol. Tasol moa long en, ol i save kontrolim gem long baksait, ol i no save asua tumas, na het bilong ol i no save paul long pilai. Slater i gat bikipela spid, na em i save mekim difens i save kisim tupela tingting oltaim. Stewart i gat spid bilong em, tasol taiming bilong em long ron na abrusim takol, em i strong moa. Na wanem kain liklik brek i kamap, em bai stap long bekap.



Cooper Cronk na Daly Cherry-Evans

Merrit i kam bek bilong Rabbitohs

WINGA bilong Saut Sydney Rabbitohs, Nathan Merrit, i gat nem pinis long kam bek bihain long em i bungim birua long sol bilong em. Em bai pilai long bikipela gem agensim Canterbury Bulldogs long Sarere nait.

Biknem strongman bilong Rabbitohs, Matt King i brukim han bilong em, na em tasol bai no inap pilai long Sarere nait.

Merrit bai lainap long pilai

namba 200 gem bilong em.

Merritt i bin bagarapim sol bilong em long fainols gem we ol i bin lus long Melbourne, na wantaim Jason Clarke, em i no bin lainap long pilai agensim Canberra Raiders.

Nau Merritt bai kam bek, Justin Hunt bai go bek long risev wantaim Clarke.

Huka Isaac Luke i holim yet posisen bilong em bihain long em i soim tru kala

Cronk em i namba wan hap bek long gem tude, na Cherry-Evans, maski em i stap long namba tu sisen bilong em tasol, save bilong em long pilai hap-bek, i olsem em pilai planti sisen pinis. Tupela wantaim i gat strongpela save long kikim na tromoi bal, na tupela wantaim i ken sanapim strongpela difens. Ol i save strong tru taim ol i laik winim gem. Cronk i save laik kontrolim tim bilong em kwik long gem. Lukluk long Melbon long autim wanpela spesol kain pilai bilong fainols gem bilong ol, i go long sait bilong Cameron Smith o Billy Slater. Cherry-Evans tu i save laik kontrolim gut spid bilong em, na i no pret long traim difens. Manly bai yusim wanpeal kain swip pilai we bai stat wantaim Cherry-Evans, na bai go olsem long Glenn Stewart, Jamie Lyon na Brett Stewart.

Bulldogs VS Rabbitohs



Greg Inglis na Ben Barba

Maski em i wok slaid i go insait long beklain o ronim wanpela set muv o painim rot insait long kwota bilong em yet, ol lain difens i save painim hat taim tru long holim pasim Ben Barba. Taim ol pilaia i save ting olsem ol i raunim em gut pinis, em bai pamim lek bilong em na kirap nogut, em bai spid na ronawe i go skorim trai, o setim bai wanpela tim-met bilong em i skoa.

Taim Greg Inglis i stap long fil, lephan sait bilong fil, i save op long em i skorim trai. Em i gat spid, em i bikipela man, em i gat wanpela stail lep-fut sait-step, na em i gat strongpela han bilong suvim rausim ol birua man. Olgeta dispela samt-ing i mekim Inglis em i wanpela long ol strongpela man tru long gem. Na i hat moa long daunim em sapos em i painim gep na em i ron. Bipo taim em i pilai long senta, em i stap ples kliia, na difens i save was gut long em. Tasol nau em i sanap long fulbek, em i ken brukim difens na ronawe, na ol bai no inap holim em.

nait. Em i nogat wari long sol birua em i gat, we i bin sotim taim bilong em long pilai agensim North Queensland las wik.

Storm bai lukim Will Chambers i kam bek dispela wik long ol senta, na Nu Silan Kiwi bek-rowa Sika Manu bai kam bek insait long bek-ro.

Bens bilong ol bai senisim liklik wantaim lapun Jason Ryles na Todd Lowrie.

Fairweather kambek long pilai Kres long kriket

MEMBA bilong Sumkar, Ken Fairweather, i kam bek na pilai Kriket long Madang Kantri Klab long wanpela praktis gem wantaim Madang skwat, bipo long dispela tim i go pilai long PNG Gems long Kokopo.

Ol i pilai dispela gem long Yabong Ovel long Madang. Madang Kantri Klab em sempien inta-klab insait long Madang. 7-pela taim olgeta em i bin winim olgeta arapela

klab long Madang.

Kepten Dharwal Patel i amamas na tok orait long tim bilong em i ken salensim dispela tim we em bai go long PNG Gems. Em bai givim ol pilaia husat bai pilai strong na luk fowat long dispela gem.

Ol i bin pilai dispela gem aninit long indoa kriket ruls. Wantaim dispela rul, 2-pela betsmen bai lukluk long 4-pela ovas na sapos ol i lusim

faivpela ron, em wanpela aut.

DispEla i lukim ol yangpela Madang skwat pilaia i go pas wantaim skoa 151, na ol Madang Kantri Klab kam bihain wantaim skoa 61.

Wanpela nupela na yangpela mangi husat i pilai gut tru long dispela gem em i Kulanthai Nixon, husat kisim 32 poin olgeta.

Narapela 23 poin i bin kam long Eric Owen. Eric em i

wanpela skwat memba tasol em i pilai wantaim Madang Kantri Klab. Dispela i lukim em i pilai wantaim Fairweather olsem narapela betsmen.

Paul Sibeth i kisim 40 poin na Tomtom Ora i kisim 20 poin. Tupela i pilai strong tru long skwat tim.

Fairweather i no pilai strong stret olsem em save pilai long bipo, taim em i hitim fom, tasol em i pilai isi tasol.

‘Tim Morobe redi long kamap long PNG Gems long Kokopo’

Paulus Tali i raitim

Faivpela (5) tim bilong distrik nau redi pinis long tek pat long PNG Gems bai kamap long Kokopo, ENB. Siaman na teknikol bilong tim Morobe, Mr. Ludwig Peka husat itok, nau 5pela distrik konfem pinis long bai tek pat.

Mr. Peka tok 5pela distrik, yu ting bai yu konfem long go, yum as baim registresin fi bilong yu hariap long dispela wik fraide 22/09/2012. Long dispela bai bilong Teknikol inap putim yu long dro long tek pat, Mr. Peka itok.

Ol tims nau rere em Makam distrik, 2pela long Huon distrik, 3pela long Nawaeb distrik, 4pla long Kabwun. Narapela 3pela Dristrik ino konfem yet em Tewai Siassi, Finsafen, Bulolo, Menyama, ol tim olsem

Lfa, Lahi, Lae Basketball, Lae Volley Ball, Huon volley Ball, Butibam volley ball. Ol tims mas konfem hariap bai teknikol siaman, Mr Ludwig Peka bai inap mekim dro long komfemim tims.

Ol fis bilong distrik, em K700.00 long 3pela spots, ol tims mas kisim fom kam long Mr. Kitoli Posonau long kamapim trail geims bai mas kamap Mr. Peka itok. Long arapela respetiv tims, olsem Lae, Lahi, Huon na Butibam, putim K500.00 peim igo long Morobe spots, Akaun 1000385638, BSP- Lae ap-sait long polis stesen. Resisp ken igo long Mr. Kitoli.

Venue long pilai, Lae Basket Ball, Huon volibol, long Det I kamap 28/09/2012. Wanpela tim ken go long wanwan tim bilong yu long tek pat long trail geim Mr. Peka itok.

Garap redi long ‘Flash’ gen

BIHAIN long wanpela yia em stap autsait long ring, PNG Profesinal Thai Boksa o kik boksa, Lee Garap i mekim kam bek bilong em long samting em gutpela tru long mekim.

Garap, husat i lusim kantri long go pait long Brisbane Australia wantaim wanpela Irishman long 6-minit na 3-pela raun pait. Dispela Irishman Paddy Murphy, bai namba wantaim Lee Garap bai pait wantaim.

Garap tok em i no save long rekot bilong Murphy, tasol em bai traिम long was gut long pait bilong em.



Lee Garap

“Mi wok long tren hat stret long dispela pait, mi save bai mi mekim tru na hat wok bi-long trening bilong mi bai karim kaikai yet” Lee i tok.



Sat long ol ol wok redi long ol Provin-sal Gem o Pilai

LONG 2003 taim ol bin statim ol PNG Gem, planti long ol provins i nogat o i gat liklik improvmen long redim ol samting bilong ol gem.

Dispela em sore pasin taim ol planti samting wanpela mas tingim na mekim pastaim long salim tim I go long ol pilai ya.

I kam inap nau, yu can tingim tasol kos bilong ol samting i wok long go antap, na i go antap moa yet long olgeta de.

Long tude taim mi rait, kos bilong salim tim long rot, solwara o skai i go antap moa moa yet. Gavman i karim bikipela hevi long taim ol tokaut long salim tim bilong ol wanwan provins bilong ol go long dispela gem. Ol gat bilip long provinsal tim bilong ol long karim nem bilong provins bilong ol.

Taim komitmen i stap, liklik wok tasol ol i mekim long kamap gut tim long redim ol. Mi lukim tru long ai bilong olsem liklik tingting ol givim long redim tim.

Askim nau em, husat i redi long kisim dispela wok i go. Mi no laik poinim pinga, tasol ol pipel mas kisim dispela wok taim Gavman i putim bikipela mani long dispela projek. I hat long bilip taim mani i go aut na nogat wok i kamap long en. Gavman bai sekim olgeta pepa wok taim olgeta samting i pinis na bai lukim kaikai bi-long em sapos olgeta mani i ron gut.

Long dispela tasol, mi mekim liklik sat we mi ting bai ken helpim ol pipel husat bai go pas long ol dispela wok. Dispela em moa long kisim ol samting i kamap wantaim nogat luksave. Yumi mas stop long dispela kain pasin bilong wokim nating nating, na kamapim gutpela na strongpela wok long ol mani bilong gavman.

Long sat mi mekim, ol pipel husat i go pas I mas lukluk go pas o mekim plen bilong ol pastim na lukluk long narapela tupela yia bai kam bihain long redim provinsal tim bilong ol.

Em no isi pela wok long redim provinsal tim. Dispela wok em hatpela na strongpela wok, yu mas putim olgeta tingting bilong yu go insait. Olsem na i moa gutpela long plenim pastaim long tupela yia i kam.

Larim mi givim wanpela tok piksa. 2013 kam, dispela sat i bruk go long ol kwota. Long namba wan kwota, i gat wok long mekim. Sampela long ol dispela wok em long makim ol plening komiti, brukim ol wok, developim taim bilong miting, bung wantaim ol Provinsal na Distrik atoriti, na putim olgeta iven baset. Long namba tu kwota, plening komiti wantaim Provinsal na Distrik Atoriti i mas stat redi long ol Distrik gem. Distrik I mas kisim olgeta LLG long redi long ol Distrik gem na long namba tu kwota baset, ol gem bai stat isi tasol long Distrik na ol bai ken painim ol gutpela pilai manmeri.

Namba foa kwota bai lukim ol redi long ol provinsal gem taim i kam long 2014 long namba wan kwota bi-long ol.

Taim pinis bilong namba wan kwota long 2014, tren-ing skwat bilong ol redi na ol narapela samting bai kamap bihain lain tasol. Ol samting olsem nem bilong ol namba bilong ol na sampela moa.

Namba tu, namba tri na namba foa kwota bai lukim ol bai trening tasol na redim ol yet long 2014 PNG Gems.

PM tok orait long Telikom PNG Kumul nem

i kam long bek pes

NAME	SURNAME	TEAM
1. Josiah	Abavu	Vipers
2. Mathew	Puke	Muruks
3. Richard	Kambo	Vipers
4. Jason	Tali	Eagles
5. Albert	Patak	Gurias
6. Dion	Aiye	Gurias
7. Isreal	Eliab	Vipers
8. Rodney	Pora	Gurias
9. Charlie	Wabo	Muruks’
10. Gonzela	Urakusu	Lahanis
11. David	Loko	Mioks
12. Larsen	Marabe	NSW/AUST

NAME	SURNAME	TEAM
13. Glen	Nami	Lahanis
14. Westley	Mohukule	Lahanis
15. Mark	Mexico	Tigers
16. Enoch	Maki	Vipers
17. Wartovo	Puara	Gurias
18. Esau	Siuna	Lions
19. Roy	Kela	Muruks
20. Thompson	Tete	Lahanis

Adrian Lam
Michael Marum
Mathew Natuschu
Neil Dunkley
Dr. James Naipao
Mathew Natusch

Coach
Assistant Coach
Team Manager
Head Trainer
Team Doctor
Physiotherapist



PM Tok orait long Telikom PNG Kumul Nem

Nicky Bernard i raitim

PRAIM Minista Pete O'Neill i tok orait na amamas long nem bilong ol pilaia husat i stap insait long Telikom PNG Kumuls we bai pilai long Praim Minista 13 wantaim ol Australia Kangaroos long dispela wik Sande.

Kosa bilong Kumuls Andren Lam i tok dispela tim bilong em i gat 6-pela nupela man husat bai makim kantri bilong long nam-bawan taim na dispela bai redim ol tu long taim bilong wol kap long yia i kam.

Lam tok tu olsem em i amamas long dispela tim

em bai kosim maski em sot-pela taim tasol, em tok ol pilaia i wok long tren hat long dispela tupela wik long save long wei ol bai pilai wantaim.

Dispela bikpela pilai long Sande namel long Telikom PNG Kumuls na Australia Kangaroos em long tokaut long Vailens Against Women o Noken Paitim Meri lo. Long bipo tupela tim save pilai long pait agensim Aids insait long kantri bilong yumi.

Dispela Sande bai gut-pela gem tru long wanem planti bilong ol NRL tim long Australia i lusim gem bilong long fainol na planti bilong ol pilaia bai kam long ol dispela klab i lus.

Moa long Pes 27.

INSAIT:

NRL PRILIMINARI FAINOLS DRO na NIUS: PES 26



REDI: Kosa bilong Telikom Kumuls Adrian Lam i givim sampela skul toktok long ol pilaia bilong em long Trening long aste aviun. Kumuls i redi tasol long kisim Australia Kangaroos. *Poto Nicky Bernard.*

CARPENTERS MOTORS

Introducim

• Nambawan Expiriens • Hamamas long Kisim • Tru long Yumi

DIAMOND CLASS VEHICLES

- SETIFAIK KILOMITAS
- 6 PELA MUN FRI SEVIS
- 6 PELA MUN ENSIN WARANTI
- SEFTI STIKA INSPEKSEN FRI LONG TAIM YU KISIM KAR (Inspeksen tasol)
- 10% DISCAUNT LONG OL PARTS NA LEIBA *Kondisens bai aplai
- OL SAVE TENKNISEN BAI SEVISIM KAR BILONG YU
- IGAT 20 POINT MEKENIKOL SEK

Tel: 311 2233 | Fax: 311 2440 | Email: info@carpentersmotors.com | Website: www.carpentersmotors.com